

# دموع المحروسة

رواية

تامر فايز



## بطاقة الكتاب

-----

دموع المحروسة

تامر فايز

رواية

رقم الإيداع : ٢٠٢٠ / ٣٠٠٥

الطبعة الأولى

عدد الصفحات: ١٩٢

تاريخ الإصدار: يناير ٢٠٢٠

الإخراج الفني والمراجعة اللغوية

دار وادي عبقر للطباعة والنشر

رئيس مجلس الإدارة

جابر الزهيري

المدير التنفيذي

لمياء حمدي

جميع حقوق الطبع والنشر

محفوظة للمؤلف، ولا يحق لأي دار

نشر طبع ونشر وتوزيع الكتاب إلا

بموافقة كتابية من الكاتب والناشر



دار وادي عبقر

للطباعة والنشر والتوزيع

بيت الإبداع .. وموطن العباقرة



wadiabkr.wixsite.com/wadiabkr



wadiabkar@gmail.com



www.facebook/ wadiabkar



www.youtube.com/ wadiabkr /




٠١١٤١٧٢٨٦٢٥

ت : ٠١١٠٠٤٧٤٥٧٥

ت : ٠١٢٢٤٩٦٩٠٤٨

ت : ٠١٢٢١٤٨١٨٥٦



هذه الرواية من وحي خيال الكاتب و ليس لها علاقة بالواقع.

عندما يجتمع الجهل مع العشوائية و الغدام الضمور يهدد الأمل و يصبح الاحتساب أسلوب حياة. قد يستغرب البعض من عنوان الرواية، عنوان غامض لكن بالتمعن فيه تتضح الرويا ليتوقف

المتكبر بعدا عنصر الحضريته التي يصنع قلبه التي يتكلمها و يتحدث، ومع ذلك كله الرواية مليء بالكم الكسوف، على مجموعة منسوخة يسوق إلى قلبه يتكلم و متروكين لأراضي شائسة دون ريبه. حق .. مؤامرة محبوكة ترسم به رواية لن تتوقف أحداثها.

دار وادي عبقر للطباعة والنشر والتوزيع

طبعة

## إهداء

## مقدمة

حاولت مراراً وتكراراً سواء في روايتي الحي المتميز أو روايتي هذه أن أكتب الحوار باللغة العربية الفصحى ولكني لم أحتمل ولم أستطع لا لعجزى أو لعدم تمكني من أدوات لغتنا العربية الجميلة، لكن لإحساسي بالمسئولية الكبيرة تجاه القارئ المستنير، إضافة نوع من المصداقية في الحوار هي ما أتمناه وأصبو إليه، هذه المصداقية لا تولد إلا إذا كان الحوار بلهجة أبطال الرواية، حتى يحس القارئ بالرواية ويعيش بداخلها لأنها تدور بلهجة أبطالها مع انتقاء المعاني والألفاظ، لذلك أرى أنه من الأفضل أن يكون الحوار في الروايات بالعامية أو بلهجة شخصيات الرواية ويكون سرد الاحداث باللغة العربية الفصحى.

ما يلفت نظري بشدة هو أن العلم وحده لا يبني الأمم يجب أن يتزوج العلم من الثقافة في مظلة الاخلاق حتى تُعمر الحياة وتصبح أجمل، العلم يختلف كلياً عن الثقافة يمكن أن يمتلك أحدهم العلم ولا يمتلك الثقافة والعكس ويمكن أن تمتلك الاثنين معاً، لكن تظل الاخلاق هي الأساس التي تبنى عليه كل هذه الاشياء، بدون أخلاق يمكن أن يتحول العلم لنقمة بدلاً من أن يكون نعمة وبدون الأخلاق تتحول الثقافة إلى إباحية لا يحمد عقباها.

السفر ورؤية العالم والمجتمعات الراقية شئ جميل وممتع،  
يبني الإنسان من داخله ويوسع مداركه ويزيد من معارفه  
وثقافته، لكن يجب أن يقترن بالصدق، من الأفضل أن يكون  
الإنسان صادقاً مع نفسه ومع الناس.

هذه الرواية ليس لها أي علاقة بالواقع، لا تمت للواقع بصلة  
من قريب أو بعيد، ولدت من وحي خيال الكاتب، وأي تشابه  
بينها وبين الواقع هي مسئولية الخيال وحده دون أدنى  
مسئولية على الكاتب.

في ظل الجهل والمرض والجوع، الحياة تصبح قاسية نحرث  
ما لم نزرع ونأكل مال اليتيم، حتي وإن تعافوا مما فيه من جهل  
ومرض يصبح الاغتصاب أسلوب حياة.

## بداية الطريق

في مقابر منطقة السيدة عائشة حيث يخيم على المكان سكون الموتى، لكن عندما تطأ قدمك داخل أحواش المقابر تفاجأ بأسر كاملة تعيش داخل تلك الأحواش، تحيا كما لو أنها تعيش في مدن عامرة مشيدة، لا يكثرثون بالموتى أو بحرمتهم، الأحياء بهذه المناطق يشاركون الموتى أحواش قبورهم... الأموات لا يمكثون في أجواءهم الفطرية الطبيعية في ظل احتلال الأحياء لأماكن راحتهم الأبدية، حتى الميت لم يتركه أهل الدنيا في هدوء وسكينة، يزجوه وينغصوا عليه نومته، الأصوات المنبعثة من المحلات والمارة مع التلوث البصري والنفسي كفيلة بشق القلوب والعقول، قديماً كان معظم المصريين إن لم يكن كلهم... خاصة المغتربين منهم يتمنون إن يدفنوا في وطنهم الغالي مصر حتى يكونوا بين أهلهم وذويهم، أما اليوم...

يعيش في المقابر عائلة الشيخ سعفران أو الحاج سعفران الزناتي مع أنه لم يؤدي مناسك الحج ولم تطأ قدمه خارج حدود مصر، كما أنه بعيد قلباً وعقلاً عن المشيخة أما ظاهرياً فقد لسع جبينه بملقعة سخنت في النار حتى الاحمرار لكي تنبت عنده زبيبة الصلاة وتظهر جليه للعيان، مع إنه لم يركعها طيلة حياته، كما أعطته لحيته البيضاء الوقار والهيبة، المعلم سعفران قصير القامة سمين بدرجة كبيرة كرشه يتدلى بدلال ملحوظ

وجهه أبيض كالبدر تطل منه عينان واسعتان عسليتان لونهما صافي وجهه البرئ بتفاصيله الجميلة يخبئ وراءه كائن منافق بعيد كل البعد عن الإنسانية.

الشيخ سعفران رجل في منتصف الأربعينيات من العمر يعمل معلّم، وحارس في الترب، ورث هذه المهنة أباً عن جد، ولد وترعرع في مقابر السيدة، متزوج من قمر الشفطوري التي كان يعمل والدها تربي لكن في الأرياف حيث تقبع المقابر بجانب المنازل جميع الجنازات تكون مشياً على الأقدام، العائد المادي كان زهيداً بالمقارنة بقاهرة المعز، قمر الشفطورية بيضاء ناعمة، عينيها زرقاوتين كالبحر الهائج في بداية طريق البدانة من فرط الراحة المترهلة ولكن مازال عودها يحافظ على الأنوثة البلدي بمقاس أقل قليلا من إكس لارج، ذراعها التي ملئت بالحلي الذهبية (غوايش) عيار ٢١ كرقبتها التي زينت بسلسلة ذهبية تشبه إلى حد كبير الجنزير من ثقل وزنه كما أن السلسلة أصبحت تشبه طوق الكلب البوليسي الذي يتدلي منه الرخصة من كثرة الأشياء الذهبية التي علقت عليها، لا تلبس قمر الشفطورية إلا العبايات التي تلمع حتى في أوقات الظهيرة، لا ترحم نفسها، تكاد تعمي المارة والشباب من فرط اللمعان والترتر المطرز على العبايات التي ترتديها، حجابها ليس بحجاب فعدم وجوده أرحم مما هي فيه... يتدلي نصف شعرها مع القصة الناعمة الحريرية التي تظهر لون شعرها البني المنقوع في أكسجين... أما المساحيق التي تضعها على وجهها يكتب بها مجلدات، رائحة العطر تتسرب من ضلوعها أينما حلت وبالطبع العطر مقلد (تركيب)، لم يقبل أحد من جيرانها في الأرياف على الزواج منها بالرغم من أنوثتها وليونتها

وعذوبتها، ماضيها عليه الكثير من علامات الاستفهام، رُزقت قمر من زوجها الشيخ سَعْفَان بأربعة ذكور جميعهم في المدارس الأميرية لرغبة سَعْفَان في تعليم أبنائه حتى لا يصبحوا مثله، أما قمر فلا فرق عندها بين متعلم وجاهل، مبدأها في الحياة الرجل لا يعيبه سوي جيبه، لكن سَعْفَان يصر على تعليم أبنائه لكن الأخلاق ليس لها موقع من الإعراب لدى سَعْفَان، يود أن يعلم أبنائه العلم دون الأخلاق، مبدأه أن الاخلاق تؤخر ولا تجلب المال الوفير، هو يريد لأبنائه علم بلا أخلاق، يبلغ أكبرهم ويدعى هشام أحد عشر عاماً، على الرغم من ذهابه للمدرسة لكنه يكاد يفك الخط بطلوع الروح، سَعْفَان تزوج صغيراً في عمر العشرين عاماً، لكنه لم يرزق بأبناء قبل ابنه هشام، سَعْفَان وزوجته مثال حي للانحطاط وتردي الذوق والأخلاق في كل شيء بدءاً من العقلية العشوائية وانتهاءً بالمظهر الخارجي.

في إحدى ليالي عام ٢٠٣٢ بدأت حكاية سَعْفَان الزناتي، جلس كعادته مع أصدقاء مهنته المعلمين والحراس والترابية جلسة الحشيش اليومية التي اعتادوا عليها كل ليلة وسط المقابر في أحد الأحواش الخشبية القديمة بعيداً عن أعين الأمن، بحلول الساعة الواحدة بعد منتصف الليل بدأت الأفكار تتصاعد تصاعد الدخان وأخذ الكلام ينحني في ما آل إليه الوضع المتردي.

سَعْفَان

- إيه وقف الحال ده دا أنا بقالي سنتين باحرس شوية طوب... غفير من غير غفرة... ما دفنتش حد ولا رامت مقبرة ولا بنيت حتى رصيف قدام قبر وكلنا كده... وبعدين إحنا عندنا مصاريف ياما.

يرد رمضان التربى شيخ الترابيه والحكمة تبدو على وجهه  
بالإضافة إلى عمره الذي يزيد عن الثمانين عاماً وخبرات  
السنين تعطي لكلامه قدراً وقيمة.

- يا سعفان مقابر السيدة عائشة بقت مهجورة من زمن...  
دي قديمة أوي من أيام جد جد جدي وللأسف كان  
صاحب المقبرة عائلة واحدة بعد شوية بقوا أربع  
عائلات بعدها بقوا عشرة والعدد بيزيد... الدفن ما بقاش  
يجيب همه... إحنا دلوقتي عايشين وبنسترزق من  
الإيجارات اللي بناخذها والمقاولات وكله بيلقط رزقه

أحد الترابية ويدعى كرم

- يا عم رمضان الإيجارات ديه مابقتش تجيب همها...  
إحنا بناجر حوش المقبرة سكن ب ٨٠٠ جنيه والمحل  
العشرين متر في المقابر ب ٣٠٠٠ جنيه والمخزن شرحه  
والمقاولات مافيش... محدش طلب منا من زمن إننا  
نرمم مقبرته أو حتي نعمل حيطه... وإحنا كلنا عارفين  
إن الناس اللي بيسكنوا عندنا في التراب عايشين ومش  
عايشين بيدفعوا شهر ويتعدروا شهر... ولما تيجي  
تطرد حد... كل الناس بيتحايلوا عليك ويبوسوا إيدك

سعفان يحك شعره وهو متحير

- بطل ولولة يا كرم... نفهم الأول قصد عم رمضان... أنا  
مش فاهم كلامك يا عمنا... ربنا يزيدك يا شيخ نورني

رمضان التربى ينظر بحدة بعينه الجاحظتين إلى سعفان الزناتي

- أنا حأفهمك... من جدود الجدود بني المقبرة واحد راجل  
ليه ولأسرته الصغيرة مات الراجل ومراته وادفنوا...  
ورث المقبرة بعد كده عيالهم، حنفترض إنهم خمسة  
يعني خمس أسر اشتركوا في المقبرة... ماتت الخمس  
رجالة الكبار اللي هما جيل الأبناء... جيه بعدهم جيل  
الأحفاد، لو حانفترض إن كل واحد خلف خمسة زي أبوه  
يبقى عندك خمسة وعشرين أسرة امتلكت المقبرة وخذ  
بالك ده جيل الأحفاد... يجي بعدهم جيل أبناء الأحفاد،  
لو حنفترض إن كل واحد خلف اثنين بس زي الأيام  
السوده دي يبقى عندك خمسين أسرة بولادهم وعيالهم  
يملكوا نفس المقبرة... الجيل اللي بعدهم دخلنا في ميت  
أسرة وهكذا... وده اللي حاصل دلوقتي... فهمت.

سغان يسأل والحيرة زادت في عينيه

- أنا فهمت يا عمنا... بس دا إيه علاقته بإننا بقالنا بتاع  
سنتين ما دفناش حد؟ المفروض على كلامك ندفن كل  
يوم عشرة وأكثر

رمضان التربى غاضباً

- أنت مخك تخين زيك يا واد يا سغان...

- خد بإيدي يا شيخ رمضان وأنا أخليه رفع

يضحك الجميع ولكن يقاطعهم رمضان التربى بصوته الحاد

- ما هو لما يبقى ميت أسرة مشتركة في المقبرة وحتلاقي  
نصهم هاجروا بره مصر ونصهم عايش في أماكن بعيدة  
أو مدن جديدة أو محافظات تانية، حتكون النتيجة إنهم  
ينسوا إن ليهم مقبرة هنا في السيدة عائشة... وكل  
واحد يشتري مقبرة قريبة من المكان اللي هو عايش  
فيه... يعني لو واحد سكن في اسكندرية وهو من ضمن  
ورثة المقبرة ديه... حيدفن هنا عندنا ولا حيدفن في  
اسكندرية... حيخبط مشوار ويتشحطط... يشحطط  
حبايبه وجيرانه عشان يدفن هنا... ولا يندفن قريب من  
المكان اللي هو عاش فيه... أو مال المقابر اللي في  
التجمع وأكتوبر والعاشر من رمضان والعبور اتعملت  
ليه... وأكد أصحابها ورثة في مقابر قديمة... أو مال  
أهاليهم وجدودهم اتدفنوا فين؟

سغفان وهو مبتسم ابتسامته انفرجت من الأذن إلى الأذن  
الأخرى

- يسلم فومك يا عمنا أنا كده فهمت... مش عارفين من  
غيرك كنا عملنا إيه؟... طيب ما دام المقابر هنا مالهش  
صاحب يبقى إحنا أصحابها

أحد الترابية ويدعى سامي وهو يكس الأجار المحشوة  
بالحشيش

- الحاجة اللي محدش بيسأل فيها... يبقى مالهش صاحب  
ويبقى بتاعت اللي يأخدها... كده تمام كل واحد فينا  
حافظ إيداه على منطقة... حيازة أقل واحد فينا ألف  
مقبرة... نهد المقابر القديمة ونعمل مقابر جديدة  
ونبيعها.

كرم مقاطعاً

- مقابر إيه؟... دا المقابر اللي في المدن الجديدة ترد  
الروح وتفرح... إحنا عايزين نتقدم... إحنا نهد المقابر  
ونبيعها أرض فاضية يتبني عليها ورش ومحلات ويبقى  
سوق تجاري شعبي ما حصلش.

أحد الترابية ويدعى مسعد مستنكراً

- إيه اللي انتوا بتقولوه ده؟ انتوا عايزين اللعة تنزل  
علينا أومال ايش حال إنكم شايفين كوبري السيدة

عائشة والحوادث التي بتحصل فيه والمهندس التي بناه  
انشل ومات من زمن!!

سغان وهو عاقد حاجبيه والغضب يتطاير من عينيه

- بس... اسكت يا واد يا مسعد يا بتاع الأعمال يا  
خسيس... ما ترددش إشاعات زي البغبنات... أنا مش  
عاوز أقول لعمك رمضان انت كنت فاتح قبر وبتعمل فيه  
إيه.

عم رمضان مشوحاً بكلتا يديه

- كان بيعمل إيه عديم الضمير ده??

سغان ناظراً لعم رمضان

- كان بيدفن عمل... بس أنا طلعتة وذوبته في ميّه بملح  
عشان يبطل العمل... ورميت الميه عند الزرع

عم رمضان موجهاً كلامه لمسعد

- حرام عليك... بطل العادة الهباب دي يا واد... الأذية  
نهايتها قطران... نهايتك حتبقى منيلة بستين نيلة.

أحد الترابية و يدعى نسيم

- خلىنا فى موضوعنا... بس حنعمل إيه فى الناس اللى ساكنة والناس اللى فاتحة محلات حوالينا؟ دا إحنا عايشين فى مولد وصاحبه غايب... دا غير سوق الجمعة وده حدوتة لوحده.

سغان وقد استشاط غضباً وأصبح لا يملك نفسه

- كل واحد حيطلع بفكرة... كلكم بقيتوا بتفهموا... حتى انت بتتكلم يا نسيم الغزال... انت عارف ليه يا واد إحنا سميناك غزال عشان انت قرني... ومعلق الدش على طول... أنا مش عاوز أقول قدام الرجالة انت بتأجر الترب بالساعة... مافيش داعي اتكلم... انت عارف وأنا عارف يا غزلان... كلكم منطوطين... أنا عارف نجاسة كل واحد فيكم ما عدا كبيرنا عم رمضان.

يضحك الجميع، ثم يستعيد سغان هدوءه وهو يدخن الحشيش ويخرج الدخان من منخاره وقد لمعت فى ذهنه فكرة.

- بالنسبة للناس اللى عايشين فى وسطنا دول مالهمش ثمن وإحنا مآجرين لهم من غير عقود لأننا لا نملك اللى بنأجره ليهم... بس لازم نراضيهم عشان ما يحصلش نبش ومشاكل كتير... إزاي نراضيهم هي ديه المشكلة...

أما سوق الجمعة فده اتنقل من زمن ووقفت السبوية  
اللي كانت بتيجي منه... كنا بناجر الفرشه اللي قدام أي  
حوش بمبلغ وقدره... للأسف السبوية راحت ومعدش  
ليها وجود... المشكلة بس في الناس اللي ماجرين  
مخازن عندنا بيحطوا فيها بضاعتهم اللي بيبيعوها في  
السوق بعد ما نقلوه... ويعدين ليه إحنا نبيع الأرض  
بكر؟... لازم ناخذ خيرها وبعدين ورش إيه وشعبي إيه  
يا عشوائي منك له... ما هي مليانة ورش ومحلات  
وناس مالهش آخر اهيه... هو إحنا يا أما نبقي على  
كتفنا التراب يا أما نبقي مزيتين... ليه ما نبقاش نضاف  
زي البهوات اللي كنا بندفنهم زمان؟.. أيام زمن الدفن  
الجميل... إحنا لازم ننصف ونعيش في الرحرة  
والنظافة وعياننا يتلمعوا... إيه رأيك يا معلم رمضان يا  
عمنا؟

رمضان التربي وهو يكركر من الجوزة والابتسامة على وجهه  
يقول في تهيد

- يا اااه فكرتني يا سعفان بزمن الدفن الجميل... أيام حلوة  
ما تتعوضش... على فكرة سعفان ده أدكى واحد فيكم  
وهو خليفتي في المقابر

سعفان يقبل رأس رمضان التربى ويديه

- دا انت كبيرنا يا عمنا

رمضان التربى ومازال يشرب الجوزة ويخرج الدخان من أعماق عقله.

- إحنا قدامنا القلعة يعني السياحة... إحنا نعمل المنطقة ديه فنادق بملاعب جولف زي اللي بنشوفها في التليفزيون وعمارات بس للناس العليوي أوي... ونسيبنا من الشغل البلدي اللي مش جايب همه... بدل ما نبيع الأرض بقرش نقدر نكسب خمس قروش... إحنا بنعمل كل ده عشان ولادنا إنما إحنا رجل بره ورجل جوه

سعفان يقبل رأس رمضان التربى للمرة الثانية

- دا انت دماغك تتاقل بالذهب يا عمنا... بس حنمشي الناس اللي عايشة في التراب إزاي؟ وحاجيب الفلوس منين لكل ده يا سيد المعلمين؟ دي حاجات محتاجة فلوس ياما وحنعمل ورق للأرض إزاي؟

رمضان التربى وهو يكح من فرط الدخان ويعطي الجوزة لكرم

- خلينا نشوف محامي عقر يظبط الكلام ويقولنا الدنيا فيها  
إيه... أما بالنسبة للناس اللي عايشه هنا فدول مالمهمش  
لازمه ولا عازده... حتلاقي اللي هريان من مصيبة والتي  
هريان من الجيش والتي ساقط قيد... الناس اللي فيشها  
نضيف تلاقيهم عندهم شقق في الأسمرات ومأجرينها  
من الباطن والتي ما عندهوش حراضيه ونضحك عليه  
بقرشين ويغور بعيد عن هنا واهي الحكومة ما بتسبش  
حد المدن الجديدة ميه ميه وكل اللي عاوز شقة بياخذ  
وبالتقسيط المريح المستريح.

في أثناء تعاطيهم الحشيش والنار مشتعلة وهم في قمة  
الإنسجام والوناسة، النار اندلعت بسقف الحوش الذي يجلسون  
به، فخرجوا مهولين ومعهم بقية الحشيش والجوزة والطاولة  
التي وضعت عليها الحجارة المكرسة.

رمضان التربي وهو مهرولاً

- يا نهار اسود حنقول إيه لاصحاب المدفن؟ حاولوا تطفوا  
الحريقة لحسن الحوش يولع ويولع اللي حواليه

كرم وهو يحمل الجوزة ويجري

- ايكش تولع هو حد ببسأل

يحاول سعفان وسامي إخماد الحريق بعدما خرج بعض  
سكان المقابر، واستيقاظهم من نومهم حتي لا تلتهم الحرائق  
بقية المقابر والأحواش المجاورة وتمت السيطرة عليه ولكن بعد  
احتراق سقف حوش المدفن وتفحمه تماماً.

## المحامي الاكسلانس السكلنس

شحاته حسين شفيع عبدالرازق المحامي المعروف من قلب منطقة السيدة عائشة كان من ساكني المقابر ولكنه هجرها منذ زمن إلى منطقة المعادي، تبرأ من ماضيه كما تبرأ من اسم شحاته، يسمي نفسه المستشار حسين عبدالرازق ويدعي كذباً أن جده عبدالرازق السنهوري باشا، يمتلك مكتبا كبيرا لا يعرف مكانه إلا الداعرات والسماصرة عديمي الأمانة وفاقد الشرف وبعض الهبل المغفلين الذين ينصب عليهم، هيء لهم أنه سيقتنص لهم حقوقهم ثم يقدمها إليهم على طبق من فضه، يلعب بالبيضة والحجر، تبرأ من أبوه لأنه كان يعمل حارس للمقابر في يوم من الأيام وهذا ليس عيب ولكنه شرف، أبوه رباه وعلمه من عرق جبينه حتي أصبح ابنه محاميا، لكن الأب نسي تعليم ابنه الأخلاق ، منحه علم دون أخلاق فكانت النتيجة الطبيعية أن الابن تنكر لأبيه واستعر منه حتى إنه لم يحضر

جنازة والده... سر ثراء هذا المحامي المفاجئ هو سيده فاضلة  
وجميلة تدعى ماجدة الشيني ابنة المرحوم محمود الشيني  
صاحب مصانع الشيني للأحذية، كانت زميلته في الجامعة،  
تزوجها ذلك الواطي بعدما رسم عليها دور الحب وأدى دور  
الحبيب بإتقان شديد فقد كان شابا يافعاً ووسيماً وهي لا تمتلك  
الجمال، لكن تأتي الرياح بما لا تشتهي السفن، اكتشفت في أول  
ليلة من الزواج أن شحاته حسين لا يحب الجنس الناعم ولا  
الخشن ولا يعرف معنى الزواج لأنه مصاب بعيب خلقي في  
أعضائه التناسلية يمنع من الزواج، بكت ماجدة على حالها  
وذرفت ماجدة بدلا من الدموع دما، حاولت علاجه، عرضته  
على كبار الأطباء دون جدوى، قررت في النهاية الطلاق الذي لا  
مفر منه بالنسبة لها، جاءت الفرصة لشحاته حسين شفيع على  
طبق من ذهب لكي يساومها بالاستعطاف والتذلل لتتنازل هي  
على مكتب المحاماة والشقة في سبيل حريتها مع إنها تملك  
القدرة على رفع قضية طلاق وتثبت بالأدلة الطبية ما فيه زوجها  
أو تخلعه وتأخذ حريتها دون أدنى مجهود من جانبها، ولكنها  
فضلت التراضي، لا تود دخول المحاكم لأنها بنت أصول كانت  
تفضل أن تأتي على نفسها من أجل عدم إثارة الموضوع، كما  
أن شحاته كان يتذلل لها ويتمسك حتى يتمكن، يؤدي دور  
المستأنس المطيع وأنه لا يد له فيما حدث، كان دائما يؤثر

إحساسها بالشفقة عليه، امتلك شحاته شفيح مكتبا للمحاماة في موقع متميز وبدأت القضايا الدسمة تتوافد عليه من كل حذب وصوب بالإضافة إلى تسهيل الاستيلاء على قطع الأراضي الفضاء، القضية التي جعلته مشهوراً وشهرته تنطلق وتخلق عالياً هي ترافعه في قضية شبكة دعارة تنزعمها الراقصة بلبلة، قضية شغلت الرأي العام لوجود قاصرات، لكنه بالأعيبه وتمكنه من ثغرات القانون اقتنص البراءة، كانت أتعابه جزء منها أموال طائلة والجزء الآخر اشترك (أبونييه) لأحد بيوت الدعارة التي كانت بلبلة تديرها، لكن الدعارة في ذلك البيت لم تكن تقليدية ولم يكن بغاءاً بين رجل وامرأة فقط إنما تواجدت أقسام أخرى وكله بالأموال يشتري ويباع، كان حسين شفيح يجلس بالساعات يري بعينه الهرج والمرج والمجون دون أن يغلق عليه باب مع إحداهن لا يفعل شئ سوى المشاهدة دون النمس، واحتساء أفخم الخمور التي أدمنها، تعرف حسين شفيح المحامي في جلساته المتكررة في هذا العالم على قلة من رجال أعمال فاسدين وسماسرة أراضي بلا مبدأ وبلا شرف يسرقون الكحل من العين ويبيعون الوهم ويغتصبون أراضي ويبدلون أنشطة أراضي ويبيرون الأراضي الزراعية ويبيعون الوهم للناس وقلة من صحفيين ومحللين اقتصاديين وفنانين وفنانات ومن مختلف وجهاء مجتمع ذلك الزمان، دخل بينهم وتعلم في دهاليزهم من

أين تأكل الكتف، وجمع بينهم إلى جانب المصلحة المادية حب  
الأنا التي كان يتصور جوعاً لها وتجري في دمه ككرات الدم  
الحمراء، شحاته حسين شفيح عبدالرازق أصبح رجل أربعيني  
العمر وجهه اكتسى بالسواد من كثرة ما ألم به من أمراض،  
شعره أسود وناعم كالحرير أشيب الفودين، عينيه سوداء كقلبه  
تحتها أكياس داكنة من أثر السهر غطت بنظارة طبية سميقة  
العدسات، كرشه المترهل جعله عاجزاً عن رؤية قدميه، قصير  
القامة، يهوي لبس البدل التفصيل بأقمشة وأصواف ماركات  
عالمية انجليزية الصنع، يضع في يديه ساعة باتيك فيليب،  
يركب السيارات الفارهة، يهوي المنظرة والاستعراض...  
استعراض الثراء بمختلف أشكاله، يعتبره العاهرات أختاً لهن لا  
خوف منه، إحساسه الدائم بالدونية يجعله يتصرف كالسفاح  
يفسد أي شئ المهم أن يجد من يدفع الثمن، يعلم داخل قرارة  
نفسه أنه واطي وخسيس وشبعه بعد جوعه، يستغل كل فرصة  
لأذلال ولاد الأصول حتي يشبع الدونية التي لديه، جميع  
المحاميين الذين عملوا لديه تحت التميرين لا يمكث أكثرهم صبراً  
وتحملاً عنده أكثر من شهرين من فرط أسلوبه الإجرامي الفظ  
واستهانتته بالقوانين، معظم المحاميين الشرفاء يعتبرونه مدعي  
ودخيل على المهنة وليس له علاقة بالمحاماة كما أنهم يكرهون

رؤيته، كل المحاميين في مكتبه حديثي التخرج ما عدا الأستاذة نرمين.

في مكتب حسين عبدالرازق المحامي جلس المعلم رمضان التربوي والشيخ سعفان الزناتي على الكراسي الفوتيه الجلدية الوثيرة وأمامهم السجاد اليدوي المفروش على الباركيه المنمق والحوائط التي كسيت بالخشب واللوحات السينية من إمضاء فنانين عالميين جلسوا في هذا المتحف الجميل ينظرون وينتظرون لكي يقابلوا المحامي شحاته حسين بعد أن أخذوا موعداً عن طريق اتصال تليفوني مسبق.

دخلت السكرتيرة الحسنة إلى حجرة الانتظار وأشارت إلى رمضان وسعفان بالدخول إلى المحامي

السكرتيرة الحسنة

- بس قبل ما تدخلوا عند سيادة المستشار لازم تدفعوا  
حق الاستشارة القانونية خمس تلاف جنيه وتسلموا  
موبيلاتكم

رمضان التربوي

- بس إحنا معرفة قديمة... افرض ما معناش؟

السكرتيرة بكل هدوء

- هنا فيه نظام... وقت سيادة المستشار بفلوس... ممكن  
تدفعوا بالفيزا أو الكريدت... أما المعارف بيتقابلوا معاه  
خارج المكتب

رمضان التربى يخرج ما في جيبه هو وسعفان

- اتفضلني يا أستاذة

السكرتيره وهي تعد الأموال

- لو سمحت الموبايلات

أعطى الاثنان هواتفهم المحمولة للسكرتيرة ودخلوا إلى حجرة  
الأستاذ

رحب الأستاذ شحاتة حسين المحامي بالضيوف ورحبوا به ثم  
جلسوا

- أمروا... إيه المشكلة؟

رمضان التربى

- إحنا جايين لمعاليك يا شحاتة بيه بخصوص موضوع  
كبير.. وعلى فكرة أنا كنت من صبيان والدك

شحاته حسين المحامي والغضب بدأ يتسرب إلى ملامح وجهه  
وبدأت عينيه بالاحمرار

- شحاتة مين؟ أنا اسمي المستشار حسين عبدالرازق مش  
شحاتة... يا ريت نخش في الموضوع على طول لأحسن  
أنا مشغول جدا وما عنديش وقت

رمضان التربى

- أنا أعرف إن اسم معاليك شحاتة... يا شحاتة بيه... دا  
انت متربي في وسطينا

المحامي وقد استشاط غضباً درجة الغليان

- أنا غيرت اسمي وما بقاش اسمي شحاتة يا ريت نخش  
في الموضوع... خير؟

رمضان التربى

- إحنا جايين لمعاليك بخصوص أرض مقابر السيدة  
عائشة عايزين عقود رسمية تثبت ملكيتنا للأرض

حسين المحامي يشعل سيجاره الكوبي دون النظر إلى ضيوفه

- الأرض دي ملك الدولة... الموضوع ده حدده القانون  
رقم ٥ لسنة ١٩٦٦ بخصوص الجبانات والقانون ده  
نسه ما اتعدش...

هنا يقاطعه رمضان التربى

- من الآخر يا سيدنا الأستاذ إحنا ما نفهمش في القوانين  
وكده... إحنا عايزين نستفيد بالأرض اللي عليها الترب

حسين المحامى رافعاً حاجبه الأيمن وناظراً للمعلم رمضان

- أرجوك سيبنى اكمل... القانون رقم ٥ لسنة ١٩٦٦..  
الحته اللي تخص الموضوع ده بتقول تعتبر أرض  
الجبانات من الأموال العامة ويسري على النزاع عليها  
ذات القواعد المقررة في شأن التعدي على الأملاك  
العامة.

رمضان التربى

- يا باشا ما تكلمش... حضرتك بتكلمني بالنحوي وأنا  
مش فاهم حاجة... أنا راجل بصمجي... هات من الآخر

حسين المحامى وهو يعرض على شفتيه

- الحقة اللي تخصكم في القانون بتقول بالبلدي كده إن  
الترب حق انتفاع وليست مملوكة لأحد

### رمضان التربى

- أو مال إحنا جايين ليك ليه يا أستاذنا؟... اضبط الورق  
والمستندات اللي تقول إن إحنا أصحاب الأرض وإحنا  
مستعدين لكافة الأتعاب والإكراميات والعمولات وخلافه

حسين المحامي غاضباً وبنبرة شديدة وهو ممسكاً بالسيجار

- إنت بتقول إيه إنت اتجننت إنت عارف إنت في مكتب  
مين... انت عايز تدفع رشاوي عن طريقي.... إنت ما  
بتفهمش أنا طول عمري شغال هنا في المكتب بالشرف  
والأمانة واللي انت بتطلبه ده لا قرب من أمانة ولا فيه  
ريحة الشرف.

### رمضان التربى

- اهدا يا باشا والدة حضرتك لسه عايشة في المقابر معانا  
وليها نصيب في الأرض و حضرتك ليك نصيب

حسين المحامي ووجهه تلون للون الاصفر من هول المفاجأة  
وهذا لبرهة ثم قال

- هيا أمي نسّه عايشة؟

رمضان التربى

- عايشة يا باشا ومبسوطة وميه ميه وحنخليها تنسك  
كمان... أنا عارف إنك بتستعر من أهلك وما تعرفش إن  
أمك عايشة لأنك ما بتسألش عليها... أنا بأخد بالي منها  
وكلنا تحت أمرها وشهادة ميلاد حضرتك اللي مكتوبة  
بخط الإيد وفيها اسم شحاتة ومكان ميلادك الحقيقي مش  
موجودة يا شحاتة بيه... محدش من الجيل الجديد يعرف  
إن حضرتك من عندنا وحتاخذ الأتعاب اللي إنت عايزها  
وحتفضل باشا في عيون الناس كلها... وتتمحي المنطقة  
من الوجود

شحاته حسين بدأ يسترجع هدوءه واضعاً سيجارته على  
الطقطوقه الكريستال

- مين اللي معاك ده... بلاش تقول شحاتة... وبعدين إنت  
بتهددني ولا إيه؟... دا أنا احبسك انت واللي يتشدد لك

رمضان التربى بنبرة نفاق مستتر

- أنا أقدر برضه يا باشا؟! ... دا إحنا تحت أمرك... وده

الشيخ سعفان الزناتي لا يري لا يسمع لا يتكلم... دا  
ابني اللي ما خلفتهاوش

يقف حسين المحامي ويتجه صوب رمضان التربى ويفتشه  
ويضع يديه في جيوبه

هنا يستغرب رمضان ويقول في تعجب شديد

- بتعمل إيه يا باشا... فيه إيه؟!!

حسين المحامي

- اصبر شوية

ثم يتجه إلى الشيخ سعفان ويفعل ما فعله مع رمضان

سعفان

- أنا مش فاهم إنت عاوز إيه يا باشا؟

حسين المحامي

- كنت بتأكد إنكم ما بتسجلوش ليا... الاحتياط واجب

رمضان وهو يضحك

- يا باشا إحنا ناس بسيطة... جايين لحضرتك في خدمة  
مقابل أتعاب... عايزين نغير مستقبل المنطقة ونخليها  
أحسن وأنصف والناس تنسي تاريخ المنطقة وتاريخنا  
معها... عايزين نتولد من جديد يا باشا وعيالنا يعيشوا  
في العليوي

حسين المحامي وهو يشير لرمضان

- دي حتكلفكم كتير أوي... وبعدين انتوا حتمشوا إزاي  
الناس اللي ساكنة واللي فاتح محل واللي فاتح ورشة...  
واللي... واللي

رمضان

- انت الخير والبركة يا باشا وإحنا مستعدين لكافة شيء  
حسين المحامي يشير إلى الشيخ سغان وهو جالس يراقب  
بعينه ولا يحرك فمه ويوجه كلامه لرمضان التربوي  
- ده ما بيتكلمش خالص هو اخرس ولا إيه؟

رمضان

- يا باشا... سغفان زي ما قولتلك ما بيتكلمش ولا بيسمع  
ولا بيشفوف إلا اللي أنا عايزه يقوله أو يسمعه أو  
يشوفه

المحامي يكتب على ورقة بالقلم الأحمر رقم

وقف رمضان من جلسته والذهول يسيطر عليه

- إيه ده يا باشا... عشرين مليون جنيه دول كتير اوي  
حنجيبهم منين؟

المحامي مبتسماً، مشيراً لرمضان

- اقعد يا معلم رمضان... دولار مش جنيه

لم يكمل المحامي كلمته حتي قام رمضان للمرة الثانية من مكانه  
غاضباً

- لأ الموضوع كده مش جايب تمنه... خرينا زي ما إحنا

حسين المحامي ماسكاً يد المعلم رمضان، يشدها لكي يعيده إلى  
وضع الجلوس

- فيه إيه يا عم رمضان هو أنا تلميذ... بالبدي المشبرح  
أرض ترب السيدة عائشة اللي قدام القلعة اللي انتوا

ماسكينها حوالي ٥٠ فدان يعني ٢١٠ ألف متر مسطح  
واكثر شويتين... لو المتر حيتباع بألف دولار في  
المنطقة السياحية ديه... دا لو حتبعوه بكر من غير  
حاجة تبقي الأرض ب ٢١٠ مليون دولار... إنما لو انتوا  
اللي حتبناو حتكسبوا قد ثمن الأرض أربع مرات... أنا  
واخد منك أقل من ١٠% بس... وده شامل المصاريف  
والاكراميات والذي منه... يعني لو أنا طلعت بـ  
٢.٥% اللي هيا عمولتي في أي بيعة بعد ده كله يبقى  
تمام... هي دي فلوس في الزمن ده... انتوا اللي حتبناو  
بشوات بجد... خلى بالكم الموضوع مش سهل خالص دا  
محتاج تكتيك ومصاريف كتير

رمضان يتحول وجهه مائة وثمانون درجة ويفتح فمه بابتسامة  
ثقيلة

- يا باشا انت مدرسة... بس إحنا مش معانا المبلغ ده  
وبعدين حضرتك ناسي الناس اللي عايشة وفتاحة  
محلات وورش... لازم نراضيهم

حسين المحامي وقد علت البشاشة وجهه

- الناس اللي عايشة معاكم مالهمش ثمن... دول صفر  
على الشمال... انتوا حتعرفوا تتصرفوا معاهم...  
ولو غلبنا معاهم نضحك عليهم بأي حاجة واللي  
هيعترض أحبسه... حتلاقي أكثر من نصفهم واخدين  
شقق من الحكومة ببلاش والنص الثاني عليهم أحكام...  
دا غير انهم ما بيدفعوش ضرائب... قعدتهم مش  
قانوني... إحنا قدامنا المشوار طويل... بقولكم إيه ما  
توجعوش دماغى أنا معايا اللي يشيل ويديكم حسنتكم.

هنا ينطلق صوت سعفان

- اللي حيشيل حيدينا كام

حسين المحامي وقد انفرجت أساريه

- حيديكم ٢.٥% يعني حوالي خمسة مليون دولار

رمضان وسعفان في نفس واحد

- ما ينفعش يا باشا دا كده يبقي حرام

حسين المحامي وهو بيتسم ابتسامه صفراء

- حرام... انتوا فاكرين اللي انتوا بتعملوه حلال... إحنا  
اللي زينا ما ينفعش يفكر في الحلال والحرام... لو  
رحتوا الجنة حتلاقوا حد تعرفوه؟

رمضان معقباً

- ليه كده يا باشا... طالما نيتنا سليمة يبقى حنروح الجنة

المحامي يضحك بسخرية

- نيتكم سليمة!؟

ثم سكت رمضان برهة للتفكير في ما ألت إليه الأمور وهو ينظر  
لسعفان، نظرة بها مغزي ومعني، ماذا نفعل؟، هنا انطلق سعفان  
كالسهم الموجه إلى الهدف

سعفان وهو يلوح بأصبعه السبابة في إشارة اعتراضية

- لأ يا باشا إحنا حنشيل... مش عايزين ناس غرب  
ياخدوا خيرنا

حسين المحامي رفع حاجبيه ومازال محتفظاً بهدونه نوعاً ما

- إحنا حنضحك على بعض هي حاجتكم أصلاً دا انتوا  
جيتوها عمال أجرية وغفر حافيين ولا تعرفوا حاجة ولا

كان ليكم سعر والوابور ياما حذف... عاوزين دلوقتي  
تبقوا ملاكها وأصحابها؟ دا في عرف مين؟

سعفان

- يا باشا إحنا عيشنا واتربينا وأكلنا و شربنا وحششنا  
فيها... إنما اللي حايجي من بره المنطقة ده مهما  
كان... سيكون غريب عن منطقتنا لا أكل أكلنا ولا شرب  
زينا... جحا أولى بلحم توره... سيينا يا باشا يومين  
وإحنا حنظبط أمورنا ونيجي لحضرتك

بيتسم رمضان لسعفان للدلالة على إصابة الهدف وتحقيق  
المرجو وعلي عينيه وفي قرارة نفسه يقول

- يسلم فومك يا واد يا سعفان

## من الذي سيدفع الثمن؟

يجتمع رمضان التربي والشيخ سغان في أحد الاحواش  
بالمقابر مع الترابية المسيطرين على المنطقة

الشيخ سغان الزناتي موجهها كلامه للترابية

- رحنا للمحامي أنا وعمنا عشان نسجل الأرض بأسامينا  
كلنا... المحامي حياخد ٢٥ مليون دولار

ينظر رمضان التربي لسغان وعلي طرف لسانه أن المحامي  
طلب ٢٠ وليس ٢٥، يغمز سغان لرمضان بطرف عينه في  
إشارة منه إلى السكوت

كرم التربي يحك أنفه

- بس دا مبلغ كبير أوي حنجيبه منين؟... خلىنا كده أحسن  
ونشيل الفكرة ديه من دماغنا واديننا بنرزق وعاشين  
مرتاحين ومعانا اللي يكفيننا

سغان

- إحنا من أول مشكلة حنرفع الراية البيضاء؟... لازم كلنا  
نفكر... أنا لو عارف حاجيب الفلوس ديه كلها منين ما  
كنتش جمعتمك دلوقتي وكنت اتصرفت... خدوا بالكم إحنا  
حنكسب قد المبلغ ده عشر مرات وأكثر

رمضان التربى مقاطعاً الجميع

- أنا ممكن اتصرف واجيب فلوس من قرابيبي الأغنيا في  
الصعيد... حتى إخواني حاخليهم يبيعوا الأرض  
والبهائم... وبعدين حااسب المحامي حتة حتة مش  
المبلغ كله مرة واحدة... أجيب منين؟... كده كده  
المشروع حيشتغل بدري بدري... من الإيراد حياخذ  
المحامي... بس تمضولي على وصلوات أمانة  
وكمبيالات بنصيبكم في المبلغ ويبقى ليا حق إدارة  
الشركة... وأنا حاعملكم ورق ضد يضمن حقكم في  
الشركة ويقول إنكم شركا... في الآخر اتنوا اللي

حتسفيدوا وما فيش حاجة تخسروها... أنا اللي ممكن  
اخسر واروح في داهية... قولتوا إيه؟... أنا عاوز  
اخليكم بشوات... كل واحد فيكم حيطلعنوا بالميت ب  
٢مليون دولار مش جنيه وممكن المبلغ ده لو  
المشروع كامل يبقى أربع أضعاف... أنا شخصياً لو قالوا  
ليا بيع نفسك بالمبلغ ده حابيع عشان ابني يعيش ويبقى  
باشا... خلي ولادكم يبقوا بشوات... إحنا طماعين  
عشان ولادنا مش عشان نفسنا... انتوا مش حتبيعوا حد  
انتوا حتفعدوا معلمين وتعدوا فلوس كمان... قولتوا إيه؟

سغان والترابية تحول وجههم إلى علامة تعجب من هول  
المفاجأة ونظروا جميعاً إلى رمضان نظرة ساكنة توقفت عندها  
عقارب الساعة.

.....

في مكتب المحامي شحاته حسين يستأذن رمضان التربى  
وسغان الزناتي بالدخول بعد إجراءات الأمن المعتادة من تسليم  
أجهزة التليفون المحمولة لكن دون دفع استشارة قانونية، بعد  
تبادل الترحيب.

شحاته حسين وهو يشعل سيجاره الهافانا الكوبي

- أنا بلغت السكرتيرة ما تخدم منكم استشارة... حضرتوا

الفلوس

رمضان التربى

- الفلوس موجودة يا باشا بس إحنا مش حن دفعهم مرة واحدة

يضع شحاته حسين المحامى السيجار على الطقطوقة في سرعة  
وعنف ويشير بيديه منفعلًا

- يعنى إيه؟

رمضان التربى

- يعنى كل خطوة تخلص بحسابها

شحاته حسين المحامى

- وأنا إيه اللي يضمن لي؟... أضمنكم مينين؟

رمضان التربى ينظر إلى سغان نظرة لها مغزي، ماذا نقول،  
هنا يتدخل سغان

- دا إحنا رقبنا في إيدك يا باشا... وسرنا معاك... إحنا

عاوزين الموضوع يكمل وحضرتك تقدر توقف المراكب

السايرة في أي وقت... بالعقل ده إحنا حنحبل عندك  
وحنولد عند مين؟

المحامي

- طيب هاتولي مليون دولار عشان نبتدي الشغل... اوعى  
تفكروا تعملوها تحويل بنكي

سغفان يضحك

- إحنا مش بتوع بنوك... إحنا بنحب العتمة... الفلوس  
حتكون عند حضرتك بكره زي دلوقتي مش كده يا عم  
رمضان؟

يهز رمضان رأسه بالإيجاب

.....

رمضان التربوي ترجع أصوله إلى أقاصي الصعيد ورث  
المهنة أباً عن جد مثل باقي أقرانه، طويل ورفيع أسمر البشرة  
وجهه منحول شعره أبيض مجعد، عينيه جاحظتين، شاربه  
أبيض مثل لون الحليب مع اصفرار في منتصف الشارب ناتج  
من ولعه بشرب المعسل والدخان، له هيبية مخيفة، شرع في  
بناء بيت عائلته في الصعيد بالخرسانة المسلحة بعدما كان

بالطين، خلال مرحلة الحفر لتشييد القواعد الخرسانية المسلحة وجد حجر مكتوب عليه عدة نقوش فرعونية... تكتم الأمر في بدايته وأوقف الحفر بالحفار وبنى سور حول قطعة الأرض، وفي أثناء زيارة أحد الشيوخ المغاربة لمصر مع إنه لا يمت بصلة للمغرب من قريب أو بعيد، عرض عليه شراء الأرض نظير عشرة ملايين دولار مع تحمله المخاطر كافة، فأبى التربي وقرر أن يستخرج هو الكنوز الأثرية المدفونة تحت أرضه، بدأ الحفر اليدوي في الليالي الكاحلة بمساعدة أشقائه، حتى وجدوا المقبرة، وجاء الشيخ المغربي مرة أخرى ليشتري القطع الأثرية والتماثيل الفرعونية، فعرض شراء المقبرة كاملة بمبلغ ٦٠ مليون دولار، فوافق رمضان على الفور دون الرجوع لأشقائه، أخذ رمضان عشرين مليون دولار أعطى بقية أشقائه كل واحد عشرة ملايين دولار، افترق عن إخوته، أحد إخوته أظهر الأموال الطائلة بشرائه العقارات والافتتاح في التجارة بدون أي مقدمات سعد من القاع إلى قمة القمم فكانت النتيجة الحتمية أن حكم عليه بالسجن المؤبد لصدور قانون مكافحة غسل الأموال وتم مصادرة أمواله فارتعد باقي الأخوة وتفرقوا، عاد رمضان التربي على رأس عمله في مقابر السيدة عائشة وبتكتم شديد دفن الأموال داخل إحدى المقابر التي يسيطر عليها والمدفون بها زوجته أم ابنه وحيد، ثم قام بتفسير ابنه الوحيد

إلى دولة الكويت بفيزا حرة مع عدد من زملائه ليقيم بها لمدة خمس سنوات ثم يعود ويعمل في المقاولات لتخرج الثروة إلى النور كأنها ولدت من عرق جبينه حتى يحييها ويجعلها شرعية وهذه كانت خطة رمضان التربوي وحده، لكن الوضع قد تغير، والخطة اختلفت تماما وأصبح هناك قاعدة يمكنه الارتكاز عليها حتى يقلل زمن غربه وحيد، مع بداية المشروع يمكن إعادة وحيد بدلاً من المكوث في الغربة خمس سنوات

.....

قضي سغفان ليلته مع زوجته قمر وهي بكامل زينتها وتألقها، يتناولان طعام العشاء على الطبلية التي يستقر عليها ما لذ وطاب من بطة ومحشي كرنب وخيرات أخرى، يفترشان الأرض ويتحدثان سوياً فيما آلت إليه الأمور.

- العيال فين... أنا عاوزهم ياكلوا معانا

قمر مبتسة

- العيال أكلوا وناموا

سغفان

- شوفتي عم رمضان طلع معاه ملايين وإحنا ما نعرفش... لأ وياه بالدولار كمان؟

قمر وهي تأكل زوجها بيديها التي تشغل من كثرة الحلي الذهبية

- كل الحنة عارفة إنه حرامي آثار

سعفان يرفع حاجبيه

- بس لو أعرف مخبي الفلوس فين... لأ وإحنا من هبلنا كنا فاكرين حكاية الأثار دي إشاعة

قمر وهي تضحك بدلال

- مافيش سر بيستخبي في الحنة أكثر من يوم

- لأ وانتى الصادقة... أكثر من ساعتين

سعفان مبدياً الجدية

- أنا مش عارف بقية الترايبية حيقولوا إيه؟

قمر تبتسم بسخرية

- أكيد حيوافقوا طبعاً... كل واحد فيهم مراته الكلمة  
كلمتها والشورة شورتها... ونسوان المنطقه اتكلموا  
معيا وكلهم موافقين... يبقي رجالتهم حيقولوا وراهم...

سغان

- بس إحنا عايشين مرتاحين بناكل أحسن أكل وعياننا  
بيتعلموا ولو حد تعب بنروح أحسن مستشفى بنتعالج  
على حساب الحكومة... الحياة دلوقتي بقت أحسن  
وأسهل بكتير من أيام زمان.

قمر بغضب

- إيه اللي انت بتقوله ده؟... عيب يا سغان... خليت إيه  
للحریم؟... انت لسه حتفكر... هي دي عيشة؟... دا إحنا  
مدفونين بالحياة... يا راجل بلاش قرف... لو العيشة  
أكل وشرب يبقي تتجوز حمارة... أنا عاوزة بدل الذهب  
ألماظ وبدل ما اركب مترو اركب عربية عشرة متر  
ويكون عندي شغالة واثنين وعشرة... وبدل ما عياننا  
يكونوا في مدارس حكومة يدخلوا مداس دولية ونشوف  
الدنيا... انت تقول له إنك موافق وتبصم على كده... يا  
إما حأسيب لك البيت بالعيال وأبقى دور عليا.

## سغفان يقاطعها

- خلاص انتي اتفتحتي ليه كده... أنا أصلاً موافق بس  
كنت باجس نبضك... أنا الفترة اللي جاية حابقي مشغول  
عنك انتي والعيال يا قمر حياتي... انتي عارفة عاوزين  
موضوع الأرض يكمل ونقب على وش الدنيا.

قمر تططب على أرجل سغفان بحنان

- المهم يا دكري نطلع لفوق... فوق أوي... ما تفكرش  
في حاجة إلا المصلحة  
- يعني لو قبينا على وش الدنيا بالحلال ولا الحرام ما  
بيفرقش معاكي يا قمر حياتي

قمر تضحك بصوت عالي يزلزل الوجدان

- حلال إيه وحرام إيه?... خرينا نعيش ونتمتع... سيبك من  
الحلال والحرام... دي أرضنا وماحدثش له فيها... هو  
حد بيسأل... إحنا أولى من الغريب

تقوم قمر من على الأرض بتغنج وتمايل متعمده إثارة سغفان،  
غمزت له غمزة بعينيها المكحلتين كأنها سهم يخترق القلوب  
ويفقد العقول، يهب سغفان واقفاً على أثرها ونسانه يردد:

- بحبك يا أبيض

.....

استخرج رمضان التربى الأموال التي وضعت داخل أكياس  
بلاستيكية في سكون الليل، وفي الصباح طلب من سعفان أن  
يحضر سيارة ليذهب إلى المحامي

سعفان يوشوش عم رمضان في أذنيه

- أو مال فين الفلوس يا عمنا؟

رمضان التربى

- حوالين وسطي

سعفان مكرتراً ينظر يمينا ويساراً ويشير بأصبعه الإبهام إلى  
أعلى

- طيب تمام يا عمنا... انت جبتها منين؟

ينظر رمضان لسعفان بنظرة بها نوع من الحنق ولسان حاله  
يقول

- وانت مالك؟... هو أكل وبحلقة؟

وصل التاكسي إلى مكتب المحامي ونزلا لتستقبلهما السكرتيرة  
إلى باب المكتب

المحامي عاقداً حاجبيه وعينيه يتطاير منها العبوس، يجلس  
على مكتبه وقبل تبادل التحيات ودون أي مقدمات

- فين الفلوس... لو مش معاكم يبقي تمشوا وما تورنيش  
وشكم تاني

رمضان التربى

- ليه كده بس... ما فيش ولا أهلا ولا سهلا يا سعادة البية

المحامي

- أنا عايز انجز واخلص موضوعكم بأسرع وقت وانتوا  
نايمين... كل يوم العملية بتتصعب والتي يعرف يجيب  
ورقة النهاردة ممكن بكره ما يعرفش... أنا مش فاضي  
لدلعمك ده.

رمضان التربى وهو يخلع جلبابه وسط دهشة المحامي ويخرج  
الأموال من وسطه

- اتفضل يا باشا

المحامي وهو مستغرق في عد الأموال على ماكينة العد حتي يتأكد من عدم تزويرها

- أيوه كده هو ده الكلام... عايزين نبتدي... تمام كده

رمضان التربى

- لو سمحت يا باشا كنت عاوز زمايلنا يعملولي وصولات أمانة بالمبلغ كله ونسيب الوصولات عند حضرتك

المحامي

- مافيش مشكلة هما كام واحد

رمضان التربى يخرج ورقة من جيبه كان قد أعدها سائفاً

- عددهم ٤ ايعني كل واحد يعمل وصل بـ ١,٧٨٥,٧١٥ دولار

المحامي وهو يحسب على الآلة الحاسبة

- بس كده يبقى المجموع ٢٥ مليون دولار

هنا يتدخل سعفان وظهر على وجهه علامات الاستنكار، بدايات الغضب ظهرت فجأة

- انت حاسبني معاهم يا عم رمضان... كده ما ينفعش....

دا أنا صاحب الفكرة بتاعت ٢٥ مليون بدل ٢١ مليون

رمضان التربي موجهأ كلامه لسعفان

- طيب انت عايز إيه يا ابني؟

سعفان وهو يشير للمحامي

- لو سمحت يا معالي الباشا احسب لنا خمسة وعشرين

ماليون على خمستاشر نفر بيقوا كام فلوس

المحامي وهو يمستك الآلة الحاسبية

- بيقوا مليون وستمانه وسبعة وستين تقريبأ

سعفان وبدي على وجهه الرضا موجهأ كلامه للمحامي

- حلو يا سعادة البيه... الماليون وستمانه وشوية الفكة

لما يدفعهم ٣ نفر... يطلع كام يا باشا

المحامي ضاحكأ من أعماق عقله وهو يضرب الأرقام على الآلة

الحاسبية

- هي حصة حساب ولا إيه... يطلع ٢١ مليون وشوية فكة

سعفان وهو رافعأ يديه معلناً انتصاره

- شوفت يا عم رمضان أنا جبت لك حقك وزيادة من غير  
ما أنا أو انت ندفع حاجة

رمضان التربى رافعاً حاجبيه اندهاشاً، مشيراً لسعفان

- على فكرة انتوا من غيري ما تقدروش تعملوا حاجة...  
بس انت ذكي يا واد يا سعفان

سعفان

- طبعاً يا عم رمضان... انت كبيرنا وأنا ابنك... مش كده  
ولا إيه؟... بس انت عارف أنا نسه حادف فلووس ياما  
في تطفيش الرمم اللي عايشين في وسطينا

رمضان التربى مبدياً الهدوء، يشير للمحامي

- خلاص يا أستاذ اعمل زي ما قال الشيخ سعفان

المحامي

- خلينا نعمل لكل واحد عشر وصولات أمانة عشان لو  
حد فيهم استهبل حاخليه عبرة

رمضان التربى

- أعمل اللي تشوفه صح يا سعادة الباشا المستشار...
- أومال إحنا جايين لحضرتك ليه... بس بعد اذنك سيب خانة المستفيد فاضية عشان لو حبيت اعملهم باسم ابني وحيد... إحنا مش ضامنين الحياة من الموت

### المحامي

- ممكن تبتعولي الترايبية زمايلكم من بكرة عشان وصولات الأمانة ويكون مع كل واحد بطاقته... بس تكون بطاقته سارية... ادوني أسبوع وحتسمعوا أخبار كويسة

### سغان الزناتي

- بعد إذن معاليك إيه الخطوات اللي حنمشي فيها عشان ننسق مع بعضينا؟

### المحامي

- حنمشيها خطوة خطوة مع بعض... أول حاجة لازم تطفش المستأجرين وتفضي المقابر خالص

سغان ورمضان التربى في نفس واحد

- وبعدين يا باشا حنعمل إيه بعد كده؟

## المحامي

- ما تشغلوش بالكم... اعملوا الخطوة الأولانية وخلصوها  
وبعدين نخش على الثانية

.....

جلس سعفان ورمضان التربى مع أصدقاء الكار في أحد  
الأحواش في المقابر في جلسة الحشيش الليلية المعتادة  
سعفان موجهاً كلامه للمعلمين

- اعملوا حسابكم حتروحوا بكره للمحامي عشان تمضوا  
على وصولات الأمانة زي ما اتفقنا... كل واحد يروح  
وبطاقته قبله

## كرم التربى

- وحاكتب وصولات بكام

سعفان وهو يرمى خرطوم الشيشة وقد بلغ الغضب به أشده

- انت غبى يا كرم... ما إحنا قولنا ٢٥ مائليون اخضر  
حيتسقموا علينا يعنى حيتقسما على ٥ اراس...  
احسبها وما تخوتش دماغنا

كرم

- ما تتعصبش عليا يا شيخ سغفان... الوصولات ديه حتكون مع مين؟

سغفان و قد أخذ لي الشيشة وأخذ يكركر من جديد

- حتكون مع البيه المحامي... عشان لما تبتدوا تكسبوا تبتدوا تسددوا... وجمعية ودايرة

كرم

- نمضي ورق الشركة الأول وبعدين الوصولات

سغفان

- حقك يا شقيق وهو ده اللي حايجصل

أحد الترابية ويدعى سامي

- وحنطفش المستأجرين إزاي؟ دي فيه اللي مأجر سكن واللي مأجر محل واللي مأجر كافيتريا... الأحواش مليانة... اللي عايشين في الترب أكثر من الميتين وكننا عارفين الباقي

سغفان والشيشة في فمه يكركر كأنه يعزف سنفونية من فمه  
ومنخاره

- اللي عايشين هنا بيعكروا مزاج الميتين ويعكننوا عليهم  
موتهم... كله من عادل إمام اللي فتح عينين الناس على  
المقابر والسكن فيها... بصوا يا معلمين... الناس اللي  
عايشة هنا متفرقين وكل واحد بيقول نفسي ثم نفسي...  
التعامل معاهم سهل أوي طول ما هما متفرقين... وبعدين  
دا المتر حسين يحبسهم دول حوش ما بيدفعوش  
ضرايب... من الآخر كده وجودهم مش قانوني... يا شق  
منك له... حيمشوا إزاي دي مالكمش دعوة بيها نهائي...  
دي شغلتي أنا وعم رمضان... انتوا تقعدوا زي البشاوات  
حشيشك في جيبك وشيشتك في إيدك وتسيبوا الموضوع  
ده وما تفكروش فيه أبدا.

## اخرجوا بالتّي هي أحسن

يبدأ سغان خطواته الجادة لتطفيش المستأجرين، استأجر تسعة بلطجية من المعلم عنتر الخشن الذي يعمل بلطجي بسوق الجمعة، مسجل خطر فرض سيطرة، سجله الجنائي حافل بالجرائم والأحكام، لكن الكل يجمع أن المعلم عنتر الخشن ينصر المظلوم الضعيف، يقف دائماً في وجه الظالم ليخضعه، يرجع الحق لأصحابه نظير نسبة متفق عليها مسبقاً، كما انه رجل خير يدفع الاموال للغارمات، يذبح كل شهر عجل ويوزعه على الغلابة، يجامل معارفه وأبناء منطقته، يلقيه كل من يعرفه بأنه صاحب واجب، حفته في فرض الإتاوة إنها تؤخذ للحماية، يفرض مبالغ زهيدة على الفقراء ويساعدهم، أما من يستأجر منه الرجال فيدفع له مبالغ باهظة لكن بشرط أن يستعمل رجاله في نصره الحق، له قانونه الخاص، يعاقب البلطجية الصغار الذين يخرجون عن طوعه بعمل علامة في كتفه أو وجهه

بالمطواه ليعيدهم إلى رشدهم، أحيانا يصل الأمر إلى القتل لكي يكون البلطجي الخارج عن قانون عنتر الخشن عبرة لمن لا يعتبر، عنتر الخشن ذلك الشاب الأسمر ذو الشارب والنحية الخفيفة والشعر المجعد المفلفل على الرغم من خطورته إلا أنه يهاب الظلام ولا ينام إلا في النور، كما أن جسده الضئيل طولا وعرضا لا يرقى أن يكون لبلطجي، لكن بذكائه يدير أعتى المجرمين ويحركهم كما يحرك العرائس الماريوننت، عنتر الخشن مستمع جيد، يفكر قبل أن يتحدث والكلمة تخرج من فمه بحساب.

كانت حجة سعفران الزناتي أمام المعلم عنتر إخلاء المقابر من المقيمين لحرمة الموتى وحرمة القبور وأن مالكي المقابر يشكون دائما، كما أن كثرة الأحياء يؤدي إلى انشار الجرائم والأعمال المنافية للآداب وهو ما لا يتفق مع حرمة المقابر، كما أن المقيمين بالأحواش يمتلكون شقق ومن لا يملك سيتم تعويضه حتى يعيش بكرامة.

فبدأ بإطلاق الإشاعات أن المقابر مسكونة، لكن لم تفلح هذه الإشاعة، بدأ في إشعال الحرائق في الأحواش بيد رجال عنتر الخشن وخطف الأطفال ووضعهم داخل المقابر ثم إخراجهم لأهلهم أحياء، ثم تثبيت المارة وأخذ ما في حودتهم وفي بعض

الأحياء طعنهم بالمطواة، إحراق المحلات وسرقة البضائع في  
سكون الليل قبل بزوغ الفجر والكل نائم، رجال عنتر الخشن  
يقومون بمهامهم على أكمل وجه، حتى شرع المستأجرين في  
الخروج واحداً تلو الآخر، لا ينسى سغفان مساعدة كلا من كمال  
حجاج وأيمن نسيم أمراء الشرطة بقسم الخليفة في تتبع  
الهاربين من التجنيد وسرعة الإجراءات في القبض عليهم  
جهاراً نهاراً، بالإضافة إلى مساعدة شرطة تنفيذ الأحكام في  
القبض على الهاربين من أحكام قضائية، تتبع تجار المواد  
المخدرة الصغار والقبض عليهم، كل ذلك تم في شهر واحد  
بسرعة ودقة متناهية بعدما تعهد لهما سغفان بدفع مبلغ ٥٠  
ألف جنيه نظير سرعة تطهير المنطقة من الواغش والمجرمين  
٢٥ ألف تم دفعهم مقدماً والباقي بعد التنفيذ، كل هذه الأمور  
أسهمت في إخلاء المنطقة من السكان الأحياء.

تبقى مجموعة من الأسر لا تزيد عن عدد أصابع اليدين  
مجتمعتين... قام سغفان بعمل فرح صوري ودعى إليه أفراد  
الأسر المتبقية وقام بتوزيع الحشيش على كل الحضور، أثناء  
انشغال الحضور بالدي جي وجو الحشيش والرقص والهرج  
والمرج والأسلحة النارية... انسحب سغفان ودخلت قوات الأمن

تحت رعاية الأمين كمال حجاج لتقبض على الجميع دون  
استثناء.

لكن شخصا واحدا مازال يعيش في الترب، ورفض كل  
العروض المقدمة له، ونجا من ما حدث في الفرع السوري  
وهو عم عيد الكندوري وهو رجل ستيني ليس معه مال ولا ولد.

.....

## سغفان سيولد من جديد

في مكتب شحاته حسين المحامي جلس سغفان وعم رمضان  
التربي بجانب المحامي بعد إجراءات الأمن المعتادة

سغفان يحك شعره

- معالي الباشا إحنا خلصنا أول خطوة ومشينا الناس كلهم  
مافضلش إلا راجل عجوز بطوله ما حدش بيسأل عنه  
اسمه عم عيد وده أمره سهل... نعمل إيه بعد كده؟

المحامي:

- عاوزين واحد يكون مالهوش ورق ولا عنده شهادة  
ميلاد ولا بطاقة... باختصار يكون ساقط قيد وابن حرام.

رمضان التربي مستغرباً

- ليه يا باشا؟

## المحامي

- أنا بالعب لعبة لو مشيت صح حتريحنا من حاجات كتير  
وتختصر علينا ورق ووقت طويل أوي.

## رمضان التربوي

- فطمنا يا باشا

## المحامي

- هاتوا الشخص ده وانتوا حتعرفوا كل حاجة... أهم حاجة  
ما يكونش اتعملتلوا بصمة عين في أي مصلحة  
حكومية... دا اهم حاجة وإلا حييوظ الترتيب كله.

## رمضان التربوي ينظر إلى سغان

- مافيش غيره... سغان هو الوحيد اللي معندهوش ورق  
حتي ولاده عشان يخشوا المدرسة زورنا ليهم شهادات  
ميلاد باسم أبوهم وسغان بطاقته مزورة... كل ورق  
سغان معمول عند سمير دندش باسمه الحقيقي سغان  
زناتي العتر.

سغان وقد بدي على وجهه الغضب

- أنا مش ابن حرام يا عم رمضان... أنا ابن حلال و انت  
وكل اللي في الجبانة عارفين كده كويس >

### رمضان التربى

- يا سعفان كلنا عارفين إنك ابن حلال مصفى... هو  
الأستاذ عاوز واحد ساقط قيد.... ابن حلال أو ابن لبوة  
مش فارق معاه... المهم مايكونش ليه ورق.

### هنا يقاطعهم المحامي

- مضبوط يا معلم... بس إيه حكاية سعفان وليه وهو  
متجوز ومخلف ولسه ساقط قيد.

بدأ رمضان التربى يسترجع الذكريات ويسرد قصة سعفان  
واستمر في النظر إلى الأفق وعقله يعمل بكامل طاقته.

حكاية سعفان قديمة وتكاد تتكرر، في منتصف الثمانينات  
من القرن الماضي تزوج زناتي العتر (والد سعفان) من فكية  
العالمة التي كانت ترقص في الموالد في القرى والنجوع وعاش  
حياة ساكنة هادئة في أحد الاحواش بالمقابر، أنجب منها الكثير  
من البنين والبنات منهم من ماتوا من الجهل والمرض ومنهم  
من عاش، سجل في الأوراق الرسمية ولد واحد وفتاة واحدة  
ولم يسجل بقية الأولاد الذكور البالغ عددهم تسعة حتى لا يؤدوا

الخدمة العسكرية بالإضافة إلى تقليل المصاريف من التسجيل وخلافه، تحس إنه تحسس المستقبل فقد صدر قانون في سنة ٢٠٢٨ بعدم صرف إعانات أو عمل بطاقات تموين لمن زاد عدد أفراد أسرته أو من يعولهم عن أربعة أفراد، لأن الدولة اعتبرت أن من مظاهر الثراء كثرة الإنجاب، فحتى يرتاح زناتي العتر ويستفيد من هذه الذرية في تجميع المال له، ليس من أجل عمل مشروع أو إقامة تجارة ولكن من أجل شراء الحشيش والأفيون له، مزاجه أولاً وأي شيء آخر لا وجود له ولا أهمية إلا للمزاج، كان شرط زناتي العتر لأي ولد للمبيت في غرفة حوش المقابر أن يحضر الأموال بأي شكل من لم يحضر مائة جنيها لا يبيت في الغرفة التي لا تتجاوز مساحتها ١٠متر مسطح ينام فيها سبعة عشر فردا على دفعات، حتى النوم أصبح ورديات كالعامل، أما أخوات سعفان فقد تزوجن من عرب يهودون الزواج بالقاصرات وهن بعمر الثانية عشر... هذه أكبرهن بعدما دفعوا المعلوم ولم يكن المعلوم أموالاً كما جرت العادة وإنما كان حشيش وأفيون... أما سعفان فكان مجرد كتلة تمشي على الأرض بلا هوية بسبب أبوه وأمه... تعلم أسرار المقابر ومخابئها وهو في الثامنة من عمره وأبدع فيها وتفنن في الحيل لاقتناص المال، كان يبيع الجثث المدفونة لتوها لطلبة كلية

الطب، مات أبوه وأمه وبعضاً من إخوته في حريق أثناء تعاطي  
أبوه للحشيش، وظل سعفان بلا أي شيء يثبت أنه سعفان.

رمضان التربّي يربّت على سعفان

- معلىش يا سعفان قلبت عليك المواجه

المحامى مقاطعاً

- حلّو أوي كده أنا مش عاوز إلا كده... بس المشكلة  
إخوات سعفان

رمضان التربّي

- ما تقلقش يا باشا مفيش حد فيهم فاكّر التانى كلهم  
طفشوا وسابوا البلد من زمن واللى عايش فيها مات  
واندفن فيها بالحياة... ما حدش يعرف سعفان غير مراته  
وعياله والتربية وحضرتك وبس.

المحامى يتكلم بلكنة حازمة

- المهم ما حدش ينكش ورقنا... سعفان

سعفان يرد

- أأمر يا باشا

المحامي

- من بكرة تفضي نفسك خالص عشان عندنا مشاوير كتير  
أوي تيجي عندي من تسعة الصبح

سغان وقد جحظت عينيه

- انت ناوي على إيه يا باشا؟... أنا عاوز أفهم

المحامي

- الأرض دي عشان تبقي بتاعتكم لازم ناخدها في سكة  
تانية خالص... سكة خليلات الخديوي

رمضان التربي مقاطعاً

- يعني إيه خليلات الخديوي؟

المحامي يشير لرمضان بالسكوت

- باختصار شديد حنظبط الورق على إن الأرض دي قبل  
ما يتعمل عليها مقابر كانت ملك خليلات الخديوي أو  
عشيقاته... وقف أهلي

سغان مقاطعاً وملوحاً بيده

- دا إيه علاقته بيا يا عمنا الباشا؟

المحامي يشير بيده (هدوء)

- ما هو انت يا سعفران حفيد خليات الخديوي والوريث

الشرعي الوحيد

سعفران وقد بدى عليه الغضب

- احرص قطع لسانك أنا أمي أو جدتي تمشي مشي بطل؟

رمضان يهدئ من روع سعفران

- اهدي يا سعفران دا كده وكده... الناس حتبص لفلوسك

ومش حتفتكر إن جدتك كانت لا مؤاخدة

سعفران وقد تملكه الغيظ

- بس إحنا صعايدة وكده ما يصحش انت ترضاهها على

نفسك يا عمنا؟

رمضان يجيب

- خلي المركب تمشي يا سعفران أنهي أحسن يكون عندك

شرف ومفلس... ولا عديم الشرف ومليان فلوس؟

المحامي مقاطعاً

- كبر دماغك... الفلوس هي اللي بتتكلم إنما الشرف في  
أيامنا دي مالهوش صوت... مقطوع لسانه... على  
العموم فكروا وردوا عليا

ترك سعفان ورمضان التربى مكتب المحامي، استقلوا السيارة  
وقبل الوصول للجبانة هاتف سعفان المحامي

- سعادة الباشا أنا موافق

المحامي

- طيب والشرف يا سعفانولا

سعفان

- دا كان موضه قديمه زي العمارات بتاعت وسط البلد...  
الأهم من الشرف إن عيالي يعيشوا أحسن مني حتي ولو  
على حساب كرامتي... المهم عيالي يبقوا أحسن مني  
وما يندفنوش بالحياة زي حالاتي.

نقره رمضان التربى بعينه وقال في قرارة نفسه

- أه يا واطي يا عديم الشرف يا ديوث... لو كنت قولت لأ  
كنت كبرت في نظري أوي وكنت حسيت إنك ابن حلال  
مصفي... إنما دلوقتي بقيت في نظري ولا تسوى.

رمضان التربى موجهأ كلامه لسعفان

- نيه وافقت يا سعفان

سعفان وبدأ في التآثر

- بصراحة يا عمنا أنا ابتديت المشوار دا عشان عيالي أنا  
باحب أولادي هشام وهاني وهيثم وهادي أكثر من  
نفسى... ونفسى يعيشوا أغنياء ويكونوا فوق... يعيشوا  
في النظافة... أنا باضحى عشان ولادي... مش عايزهم  
يبقوا زي سعفان أو الأشكال الضالة اللي بنشوفها.

رمضان التربى

- العيشة في النظافة لما تبقي في الحلال

سعفان احمرت عينيه من الغيظ

- جري لك إيه يا عم رمضان وإحنا إيه اللي بنعمله  
حرام؟... دي أرض مالهاش صاحب... يبقي إحنا  
اصحابها

.....

ذهب سعفان في الصباح الباكر إلى مكتب المحامي بصحبة  
رمضان التربي، بعد تبادل السلامات

المحامي مشيراً لسعفان

- مستعد يا بطل

سعفان وقد علت شفثيه ابتسامة

- مستعد يا معالي الباشا

المحامي

- حتروح معاكم مدام نرمين للسجل المدني ومشاوير تانية

رمضان التربي

- طيب وحضرتك يا باشا

المحامي

- أنا ما برحش إلا في المشاوير الكبيرة أما الحاجات

الصغيرة دي باخلي المحامين اللي عندي يقوموا

بيها... ما تقلقش أنا مضبط كل حاجة.

استقلوا جميعاً السيارة مدام نرمين تقود السيارة وبجانبها

رمضان التربي يجلس كائطاووس وبالخلف سعفان.

## منصات الدعاية والإعلان

### برعاية مصيلحي بهنس

بدأ شحاته حسين المحامي بمساعدة الصحفي مصيلحي بهنس في إحياء موضوع أرض خليات الخديوي وأحقية الورثة الشرعيين في أرضهم وأن مصر لن تقبل أكل حق أي فرد مهما كان.

تصدرت الصحف المصرية الأخبار التالية:

- حفيد أمينة هانم سلينة عائلات الحمش يقاضي الحكومة المصرية من أجل أرض جدته
- أرض خليات الخديوي تعود من جديد
- أحفاد خليات الخديوي يطالبون بميراثهم الشرعي
- سليل الحسب حفيد إحدى خليات الخديوي يعيش من أجل استرجاع حقوقه المسلوقة

- أراضى فضاء ليست ملك للدولة وإنما ملك إحدى عشيقات الخديوي
- حق خليات الخديوي لن يضيع فى ظل حكم القضاء المصرى العادل الشامخ
- من أجل إحقاق الحق المستشار حسين عبدالرازق المحامى يتبنى قضية أرض خليات الخديوي على نفقته الخاصة
- العدالة البطيئة ظلم كبير... كم من السنين ستمر دون أخذ حكم نهائى لنصرة أحفاد خليات الخديوي

.....

فى إحدى الكافيهات بمنطقة المعادى جلس شحاته حسين المحامى والصحفى مصيلحي بهنس يحتسون القهوة  
شحاته حسين المحامى

- حلو أوى الشغل اللي انت عملته دا... شغل على نار هادية

الصحفى مصيلحي بهنس يضع يده على نظارته الشمسية لتثبيتها

- أول ما كلمتني في التليفون كنت تاني يوم منزل  
مانشيتات في كل الجرائد... لأ ولسه... بس فين  
المعلوم?... أنا ورايا جيش من الصحفيين عاوزهم  
ياكلوا عشان يكملوا وأفضل كاسر عينهم

المحامي

- معلوم إيه?... انت عملت حاجة?... لسه بدري أوي

الصحفي وقد احمر وجهه

- الشغل ده محتاج أول بأول... إنما الدفع في الآخر... كده  
ما ينفعش يا شحاتة

يقاطعه شحاتة حسين المحامي وقد تملكه الغضب

- انت اتجننت شحاتة مين يا عجلة?... انت نسيت  
نفسك... أنا اسمي حسين... اسمي المستشار حسين  
عبدالرازق المحامي

يقاطعه الصحفي وعلى وجهه ابتسامة لنيمة

- الشويتين دول تعملهم على الناس الغرب اللي ما  
يعرفوش أصلك وفصلك يا شحاتة... إنما أنا لأ

- أنا مش عاوز اتكلم... خليني ساكت أحسن يا بهنس...  
بلاش أنا... فضايحك انت وحرملك عندي... فاكرك النادي  
الصحي اللي في مدينة نصر اللي جابوك منه بلبوص مع  
الشباب الشواذ وأثبتوا إنك بتدفع ليهم فلوس عشان  
يرافقوك و... الكل عارف إنك بتدفع فلوس يا عجلة وكل  
حاجة متصورة صوت وصورة... ولا مراتك بنت الحسب  
والنسب بنت ولي نعمتك اللي قفشوها مع عشيقها في  
شقتك... وانت رحت اتنازلت وعزلت من العمارة...  
حتعمل إيه ما هي محرومة يا ولداه... ولا الواد الغفير  
الغبان اللي خلите يمشي معاك ولما طلب منك فلوس  
أكثر وحسيت إنه بيلاعب بيك وبيتزك قمت قتلته بجرعة  
هيروين والقضية اتطرمخ عليها عشان حماك... ملفات  
القضايا والفلاش مموري عندي... أكمل بقيت بطولاتك؟

بدأ العرق يتصبب من جبين الصحفي مصليحي بهنس بغزارة  
وأخرج منديلا ليمسحه على الرغم من تشغيل التكيف بالكوفي  
شوب.

- المثلية لا يعاقب عليها أي قانون... دي حرية  
شخصية... وبعدين كل الناس عارفة إنى...

## المحامي يقاطعه

- انت صح... بس لما تكون بالفلوس يعاقب عليها القانون  
لأنها تعتبر دعارة وتحريض على الفسق... وانت شغلك  
كله بالفلوس... ولما يكون فيه قتل يبقي جناية...  
وبالنسبة للناس اللي عارفه اللي يعرف غير اللي  
يشوف بعينه... ممكن تفسر لي يا... ليه تتجوز واحدة  
ست... تعذب بنات الناس معاك وتخليها تبص بره ولا  
الشكل الاجتماعي واجعك أوي... خد بالك ملفاتك عندي  
كاملة بالصوت والصورة والنفس كمان

العرق يستمر في التصبب بغزارة من جبين الصحفي وبدى  
عليه علامات الإرهاق والتهتهة.

- خلينا من اللي فات... إحنا ولاد النهارده... يا سيادة  
المستشار... يا حسين بيه... لازم ادفع عربون  
للصحفيين الكثير اللي بيشتغلوا على الموضوع ده  
عشان يكملوا.

المحامي وهو يحتسي فنجان القهوة

- هات من الآخر عاوز كام يعني

الصحفي مصيلحي بهنس

- يعني ٥٠ ألف دولار مؤقتا... الشباب تأكل لحد لما  
نشوف حنوصل لفين

المحامي وهو يعرض على شفتيه

- ٥٠ ألف عفريت لما يركبوك

الصحفي مصيلحي بهنس يحاول تلطيف الجو

- يا حسين بيه انت رجل قمة وقامة... وبعدين دي البداية

المحامي يقاطعه

- انت خلّيت فيها بيه؟... لا بداية ولا نهاية... بقولك  
اعمل ميّزانية والدفعات المطلوبة للصحفيين وأنا  
حاشوف

مصيلحي بهنس الصحفي أصابه الارتباك

- طيب والشغل اللي اتعمل مين اللي حيااسب عليه... أنا  
ما بدفعش من جيبى

المحامي يخرج من جيبه رزمة من الأموال ويعطيها للصحفي

- ما حدش يبقيشش على المستشار حسين عبدالرازق  
المحامي... خد ٥ آلاف دولار حلّي بيها فم الولاد اللي

شغالين على الموضوع دا عشان تستحي عينهم وبعدين  
حانتفق

مصيلحي بهنس الصحفي

- دا ما يحلش بق صحفي ابن امبارح بالليل... أنا لو  
اعتبرت العنوانين بس إعلان دا غير الحشو المكتوب  
حتدفع أكثر من كده بكتير يا حسين بيه

المحامي

- اعمل ميزانية معقولة وأنا حاضبط لك الأداء

## محفوظ الدكتورى

وصلت مدام نرمن إلى السجل المدنى وبرفقتها سعفان الزناتى وعم رمضان التربى دخلت إلى مكتب الأستاذ محفوظ الدكتورى الموظف بالسجل المدنى وتركهم خارج المكتب، المكتب مليء بالأتربة وعلى مكتب الموظف أكوام من الملفات بجانب الأرفف خلف المكتب التى ملئت بأطنان من الورق تكفى لئلف سندويتشاش الفول والفلافل لئس للمصريين فحسب بل للعرب أجمع لمدة قرن من الزمان وأطنان الورق عليها أطنان من التراب كل هذا قابع فى مكتب تحس أنه عاد بك للعصور الوسطى أو خمسينات القرن العشرين على أكثر تقدير، بجانب مروحة قديمة لا تعمل ولكنها موجودة فى المكان وتفرض نفسها عليه لأنها عهدة، لا ننسى الطاولة الجانبية التى لا يستغنى عنها الأستاذ محفوظ، طاولة المزاج الأ وهى طاولة الشاي والقهوة، طاولة خشبية متهالكة وضع عليها سبرتاية

وكنكة وبراد صغير وباكيتات شاي وقهوة وسكر وعدد من الأكواب لا يتعدى عددها صوابع اليد الواحدة، هناك اختراعات كغلاية الشاي الكهربائية (الكاتيل) وغيرها لا يحبها ولا يندمج معها الأستاذ محفوظ، ما هذا يا للهول سيرتاية في هذا المستنقع الورقي هذا سيؤدي حتما لكارثة، كل هذا يقبع بجانبه محفوظ الدكتوروي الموظف الداھية ذو الاثنين وستين ربيعاً ذلك الأحدب السمين الذي يسع كرشه كل شيء، شعره يميل للون الرصاصي مكتكت غير مستأنس لكنه يعزف سينفونية مع شاربه غزير الشعر الذي يشبه جادون الدراجة عينيه لامعتين لا تعرف لهما نون لكنهما خبيثتين يبرقان في ظلمة وجهه الأسمر الممتلئ.

بعد تبادل التحيات جلست مدام نرمين على الكرسي الخشبي الملاصق لكرسي الأستاذ محفوظ الدكتوروي وهي ترتدي مايكروجيب وضعت رجل على رجل حتي أصبحت أفخاذها البيضاء واضحة منيرة ومشعة لأستاذ محفوظ.

الأستاذ محفوظ يحاول إخفاء أساريه المتهللة وهو يرمق أرجل مدام نرمين.

- أمري يا أفندم... حضرتك تشربي إيه الأول؟

مدام نرمين

- ولا حاجة... خلىنا في موضوعنا اللي كلمت حضرتك فيه  
في التليفون

الأستاذ محفوظ وقد لوحظ عليه الجد

- الكلام في المواضيع دي ما ينفعش في التليفون حضرتك  
عارفة التليفونات ممكن تكشفنا كلنا

مدام نرمين

- أنا اتكلمت من غير تفاصيل وبالقانون

الأستاذ محفوظ

- وما ينفعش نتكلم في المكتب... الحيطان ليها ودان

مدام نرمين تضحك بصوت مسموع وفيه دلالة

- انت مسمي دا مكتب يا أستاذ محفوظ؟

الأستاذ محفوظ وبدت على وجهه الصرامة

- أنا اللي عندي الحل وقرية الجرايد وعرفت انكم

حاتيجوا على حجرى من تانى... قابليني في الكوفي

شوب اللي بعد المكتب بشارع النهارده الساعة ٥ مساء

وأنا حاقولك على الصبح بس البسي بنظنون عشان

العيال هناك ما بيرحموش... عندهم بس ممكن تطلعي  
أنا محفوظ الدكتور علي سن ورمح حامل في توعم.

.....

يستقبل الأستاذ حسين المحامي في مكتبه الصحفي مصيلحي  
بهنس وبعد تبادل التحيات.

مصيلحي بهنس

- كده رجالتك يخدوا مني الموبايل والقلم بتاعي قبل ما  
اخشلك?... هما مش عارفين أنا مين?... أنا بقلمي ده  
باوقع كيانات وحكومات وممكن دول كمان.

المحامي بكل هدوء

- دي إجراءات أمن... أنا لما بأكون عندك في الجورنال  
انت بتعمل معايا كده

مصيلحي بهنس

- أنا حضرت لك الميزانية اللي طلبتها

المحامي يضع نظارة القراءة على عينيه

- كام الرقم النهائي

## مصيلحي بهنس الصحفي

- خمسمية ألف دولار ممكن يزيدوا أو يقلوا عشرة في  
المائة مش أكثر

المحامي وقد قام من كرسيه الوثير واحمر وجهه والغضب  
أصبح تاج رأسه

- انت اتجننت يا مصيلحي يا بهنس خمسمية إيه؟

مصيلحي وقف يهدئ المحامي ويربت على كتفه لكي يجلسه

- اقعد يا حسين بيه... واهدا... أنا في مكتبك... شوف  
الكلام الأول وبعدين نتكلم... الموضوع مش جرائد ويس  
الموضوع فيه سوشيال ميديا... فيس وتويتر وتليفزيون  
وإذاعة وغيره... خليني أقولك الخطة اللي حاتعمل  
وبعدين نتكلم.

المحامي وقد بدأ يهدئ

- بس دا كتير أوي يا مصيلحي... أنا مش عاوز أقولك  
إني حاظط من جيبي وبساعدهم عشان غلابة وعاوزين  
ياكلوا عيش.

الصحفي بيتسم والخبث يطير من عينيه

- يا حسين بيه الكلام ده تضحك بيه على حد غيري انما أنا لأ... الدعاية بتبقي ٢% من قيمة المنتج... الأرض اللي حتخدوها تسوي بالميت ٢٠٠ مليون دولار... يعني المفروض يتصرف عليها دعايه ٥ مليون دولار مش ٥٠٠ ألف دولار... أنا عامل واجب معاك جامد أوي.

المحامي يدخن السيجار الهافانا ويتحدث بهدوء

- انت عرفت مكان الأرض فين؟

الصحفي

- طبعا عرفت... هو أنا بتاع ملابس... السر في بلدنا ما يستخباش أكثر من ستة ساعات

المحامي وهو يلوح بيده وبين أصابعه السيجار

- عرفت إيه ومين اللي عرفك؟

.....

ذهبت نرمين لمقابلة الأستاذ محفوظ الدكروري في الساعة الخامسة في الكوفي شوب المقابل للمصلحة الحكومية ومعها سعفان وعم رمضان التربي كنوع من الحماية لها وقد ارتدت بنظالا واسعا اشتترته للتو من أحد المحلات بنفس

الشارع، لم تمكث مدام نرمين سوى دقائق معدودة حتي حضر  
الأستاذ محفوظ.

الأستاذ محفوظ

- أهلا يا مدام

نرمين ترد التحية بامتعاض

- أهلا

الأستاذ محفوظ

- مش تعرفينا بالمعلمين؟

مدام نرمين

- دول اللي بخصوصهم الموضوع

الأستاذ محفوظ

- حلو أوي خلي حسين بيه يدفع القديم الأول وبعدين نتفق

على الجديد يا كده يا إما ما تعطلونيش.

مدام نرمين وقد رفعت حاجبيها

- قديم إيه؟... أنا مش فاهمة

## الأستاذ محفوظ

- أسألي الأستاذ حسين بيه اللي مشغلك وهو يقول لك

مدام نرمين وبدت الحيرة تسري في شريانها التاجي

- يقول لي إيه؟!... وضح كلامك يا أستاذ

## الأستاذ محفوظ

- البيه بتاعكم نصب عليا في آخر شغلانة وما ادنيش إلا

نص أتعابي بس... وكنت عارف إنه راجع تاني على

حجري... بس النوبة دي يدفع القديم والجديد مقدم.

مدام نرمين وقد تملكنت منها الحيرة

- نصب عليك في إيه وامتي؟

## الأستاذ محفوظ وقد لمعت عينيه

- شهادة الوفاة المضروبة اللي طلعتها لواحد من

موكلينه... الراجل اللي وكل البيه بتاعكم في قضية

المخدرات اياها... اتحكم عليه بالإعدام وعلى حظه

الخلو كان جاي واحد ميت مشرحة زينهم مالهوش إهل

وابن إختي شغال فيها لحد دلوقتي... خدنا ورق الميت

على إنه اللي موكل الأستاذ وشهادة الوفاة طلعت باسم  
الراجل المحكوم عليه بالإعدام... اكتب ليه عمر جديد  
ابن الإيه... بس البيه بتاعكم أكل حقي ما ادنيش إلا  
النص... كنتي انتي لسه ما اشتغلتيش يا أمورة...

مدام نرمين يتملكها الغيظ

- كام القديم يعني اللي انت واجع دماغنا بيه؟

الأستاذ محفوظ

- احسبها ليكي بالفوائد ولا بفرق سعر الدولار؟

مدام نرمين

- اللي انت عاوزه

الأستاذ محفوظ

- أنا راجل حقاني وما بحبش آخذ إلا حقي... حاخذ على

القديم ٢٠٠ ألف جنيه بس ومش عاوز تعويض عن قلة

الأصل اللي حصلت معايا

مدام نرمين اشتعل وجهها احمراراً وأصبح كلون الروج الذي  
صبغت به شفيتها المكتنزتين، كادت أن ترد على محفوظ لولا  
مفاجأة الجرسون لهم

- تشربي إيه يا أفندم؟

مدام نرمين

- عصير ليمون... شوف الأساتذه يشربوا إيه؟

وبعد أخذ الطلبات من الزبائن

مدام نرمين وهي تضع العصير على شفيتها التي تشع أنوثة  
غارقة في العسل وعذوبة تسيل لها أعتى الوحوش

- كدا كتير أوي... بص خلىنا نتفق على القديم والجديد مع  
بعض

الأستاذ محفوظ

- ارجعي للبيه بتاعكم عشان شكلنا مش حانتفق

مدام نرمين تتصل بالأستاذ حسين المحامي

- الوووو...

- الوووو... عملتي إيه؟

- دا عاوز يتفق على القديم الأول ويبقضه وبعدين الجديد
- لأ... الاتنين مع بعض وخلي الميزانية لحد مليون جنيه
- واللي حاتعرفي توفريه... نصه حلال عليكي
- أمرك يا سيادة المستشار

تعلق مدام نرمين الخط ثم تتوجه بكتنا عينيها الواسعتين  
الزرقاوتين البراقتين في اتجاه الأستاذ محفوظ

مدام نرمين

- حسين بيه قال لي إن القديم والجديد مع بعض وحايديك
- ٢٠٠ ألف كاش على الاتنين ١٠٠ ألف دلوقتي و١٠٠ الما
- تخلص

ينفعل الأستاذ محفوظ ويضع لي الشيشة بعنف على الطاولة

- البيه بتاعكم بيهرج ياأستاذة... أنا ما اخدش أقل من
- نص مليون

مدام نرمين تتهلل وترقص داخلياً من الفرح تحدث نفسها  
بشأن العمولة... عمولتها ٢٥٠ ألف... ولكنها في قرارة نفسها  
ستضغط لتقلل المبلغ وتزيد عمولتها... أو ستبلغ المبلغ كله  
النصف مليون وستثبت للمحامي أن محفوظ أخذ المليون كاملاً.

- حاكلم حسين بيه وأقولك

تنحى جانباً بعيد عن الطاولة وتراقب تصرفات محفوظ الذي يدخلن الشيشة لكنه يحاول جاهداً أن يضع أذنيه في وسط قمها لكن دون جدوي، تفتعل أنها تهاتف شخص ما على غير الحقيقة، ثم ترجع إلى الطاولة مرة أخرى.

مدام نرمين وقد بدى على وجهها طابع الصرامة الأنثوية المغلفة بدلال ونعومة.

- حسين بيه وافق على ٤٠٠ ألف جنيه ودا آخر كلام لو موافق اوكيه

الأستاذ محفوظ انفرج وجهه

- خليه يهزها شوية شوية عليا وشوية عليه

مدام نرمين بحسم

- دا آخر كلام

محفوظ يفاجئها مفاجأة غير متوقعة

- خلاص أنا حاكلمه

تفزع نرمين من جملة محفوظ وتحدث نفسها إذا تحدث  
محفوظ سيكشف المحامي المبلغ وساعتها لن تنال إلا عمولتها  
وهي تريد أن تلتهم بقية المليون جنيه وليس النصف، لم تفيق  
نرمين من غيبوبتها الوقتية إلا بعد فوات الأوان، أصبح محفوظ  
يهاتف المحامي.

### محفوظ الدكروري

- سعادة المستشار.... أخبار معاليك... كنت عاوز أكلم  
معاليك بخصوص المقاول اللي حيشطب الشقة كان  
عاوز ٥٠ ألف إذا ممكن

ثم أغلق محفوظ الخط وعلى وجهه علامات الانتصار والفخر

### محفوظ الدكروري

- البيه بتاعكم وافق على ٥٠ ألف... شوفتي الكلام؟

نرمين وهي تعض شفقتها وتحاول جاهدة أن تخفي غيظها

- انت إزاي تتكلم في التليفون في موضوع زي دا انت

عاوز تودينا كلنا في داهية؟

محفوظ يتحدث كبارون متمرس

- أنا كنت بتكلم بالسين... بالشفرة يا أستاذة... عيب أنا  
مش تلميذ أنا محفوظ الذكوري على سن ورمح... دي  
مش أول مرة

نرمين وهي تحتسي عصير الليمون لكي تستعيد هدوءها

- واتفقتوا على إيه؟

محفوظ أصبح كالتاوس

- نص قبل ونص بعد

نرمين بعصبية رمقت سعفان ورمضان اللذان لا يتحدثان واكتفيا  
بالمشاهدة واحتساء الشاي بصوت مقرز وملحوظ

- محدش يشرب الشاي بصوت... إيه ده؟... كده ما  
يصحش أبداً

سعفان يشير لرمضان التربى بالهدوء

- نعمل إيه؟ الشاي سخن موحوح يا أستاذة وما بيتشربش  
إلا كده

ثم يغيظها بشفطة أخرى على طريقته

نرمين توجه نظراتها العصبية ناحية الأستاذ محفوظ

- المطلوب منك من الآخر يا أستاذ محفوظ عاوزين نعمل  
ورق لسعفان شهادة ميلاد وبطاقة وكل الورق

يقاطعها الأستاذ محفوظ

- أنا فهمت الكلام دا بالمحسوس لما كلمتيني في التليفون  
إيه الجديد؟

نرمين وهي مازلت عصبية

- لو سمحت اسمعني للأخر وبلاش مقاطعة... عاوزه اسم  
الأم في شهادة الميلاد جوهرة هشام عادل الشركسي  
واسم الاب أكرم عاصم عبدالمجيد يلمظ وأهم حاجة  
تستخرج شهادة ميلاد الأب اللي هو أكرم وشهادة ميلاد  
الجد عاصم عبد المجيد يلمظ وأهم حاجة اسم أم الجد  
أمينة هانم الحمش تتأكد منه ويكون واضح... دا أهم  
حاجة.

محفوظ أصبح كالحاسب الآلي الذي فقد السيطرة على تلافيفه  
العصبية (هنج)

- حضرتك الناس دول حقيقين ولا ينضربلهم ورق؟

نرمين تنتظر شذراً

- وهما لو حينضرب ليهم ورق أجيك انت ليه؟... ما  
اجيب واحد مزور أحسن... طبعاً دي عائلة حقيقية

محفوظ بدأ يجمع أفكاره واستفساراته

- بس فيه مشكلة... إيه اللي يضمن إن الناس الحقيقيين  
دول هما أو أهاليهم ما يتكلموش ويقولوا إحنا ما لناش  
علاقة بسعغان وده كذب أو كده... لازم اعرف عشان ما  
نروحش كلنا في داهية.

نرمين

- كل حاجة مرتبها الأستاذ... أكرم عاصم عبدالمجيد يلمظ  
قابله الأستاذ من سنتين بره مصر وكانت حالته تصعب  
على الكافر وعليه ديون وأمراض يهدوا جبال ومراته  
جوهرة شركس متوفيه من التسعينات وورث منها  
الديون وبس أصلها كانت بتلعب قمار وجدته أمينة هاتم  
الحمش ماتت من ١٠٠ سنة واندفنت في مصر...  
الأستاذ أكرم لما قابل حسين بيه حكى له تاريخ عائلته  
ومن ضمن اللي حكاه إنه خلف ولد في مصر في نهاية  
الثمانينات ونزل من بطن أمه ميت عمل ليه شهادة  
ميلاد مكتوبة باليد وما عملش شهادة وفاة... إحنا

رجعنا الولد دا... عاصم يلمظ جاب للأستاذ ورق يثبت  
ملكيتة لأملك كتير داخل القاهرة وخارجها.... بس  
للأسف الأملاك دي اتشفتت من زمان ومن ناس كتير...  
دا غير إن قبل ما يجمع أتعاب الأستاذ مات في الغربية.

محفوظ يدعك عينيه

- بصي أنا مش عارف اجمع معاك... كلامك لخفني  
بزيادة... المهم عندي إن حلاقي الأشخاص دي على  
الورق واطلع هولك ومحدث حيعمل لينا باللو.

نرمين ترفع صابع السبابة بالنفي

- لا... انت مهمتك مش إنك تجيب الورق وبس... لازم  
تعمل ورق لسعفان وكمان ينزل على الكمبيوتر المركزي

محفوظ بدء يتوتر

- بصي يا أستاذة شهادة الميلاد اللي مكتوبة باليد دي أكيد  
الاسم مش سعفان... من الآخر كده أنا اجيبك ورق  
الناس... دي شغلتي... ويكون كمبيوتر وموثق دي  
او كيه ما عنديش مشاكل واعمل ورق لسعفان ماشي...  
إنما تقولي ليا كمبيوتر مركزي أقول لك أسف...

السيرفر كله في العاصمة الإدارية وعليه رقابة شديدة  
أوي... ما بيعديش الناموسة.

نرمين

- فعلا الولد اللي مكتوب في شهادة الميلاد اسمه فريد بس  
إحنا غيرنا الاسم وخليناه سعفان... أما بالنسبة للسيرفر  
إحنا حنخلي واد هكر جامد من بتوع اليومين دول  
يخترق السيستم ويدخل بيانات سعفان ويعمل ليه رقم  
قومي... وباسبور كمان... أنا عاوزاك تسعفنا بالورق  
والذي منه.

محفوظ

- اديني نص الفلوس وأنا أحملك تشكيلة ورق ما  
حصلتش... هو الإنسان إيه غير ورق؟!... بس خلي  
الأستاذ يشوف لينا قصر مهجور ويستحسن يكون في  
حلوان عشان ما تبقاش عليه العين... عاوزين نظبط  
العناوين عليه... إحنا يا أستاذة عايشين في بلد مكاتب  
وورق.

.....

الصحفي مصيلحي بهنس بدأ يسرد لحسين عبدالرازق المحامي كيف عرف أن الموضوع كله يدور في فلك أرض مقابر السيدة عائشة، في أحد الليالي الحالكة كان مصيلحي بهنس يجلس بمكتبه الواسع الفخم بمبنى الجريدة الزجاجي التي يرأس تحريرها يداعب أنامله، فجأة سمع صوت الإنذار، فهم للخروج من مكتبه وقبل الوصول للباب دخل عليه أحد أفراد الأمن الذين ينقلون له الأخبار أول بأول، أخبره بأن أحد الأشخاص يصيح بصوت عالي ويتشاجر مع الأمن لأنه يريد مقابلة رئيس التحرير ولكن هيئته لا تليق وتدل على أنه من فئة المعدمين.

الصحفي :

- خليم يسيبوه ويدخلوه عندي بس خليك قاعد عند  
السكرتيره مستعد عشان لو عمل حاجة أرن للسكرتيره  
تيجي ترميه بره

فرد الأمن

- أوامر معاليك يا أستاذ

دخل الشخص إلى مكتب الصحفي الهمام وشرح له ما يحدث في مقابر السيدة عائشة من تهجير قسري لأهلها وسرد له الصورة كاملة، أخذ مصيلحي يتفحصه جيدا بعينية الماكرتين

لكنه وجده ضعيف البنية، كبيراً في العمر نحيف وأشيب، لن يصلح لمزاجه الشخصي، أفاق مصيلحي من تفكيره.

- انت كل ده بتتكلم وأنا ما عرفتش اسمك
- خدامك عيد يا باشا.... عيد الكندوري
- ماشي يا عم عيد أنا حساعدك واقف جنبك

انصرف المدعو عيد ثم أعطى الصحفي الكبير تعليماته لجميع أفراد الأمن وجميع العاملين بعدم دخول هذا الشخص مبني الجريدة مرة أخرى.

.....

بدأ محفوظ الدكروري في تجميع الأوراق الخاصة بعائلة أمينة هاتم الحمش إحدى خليات الخديوي من شهادات ميلاد أبنائها وزوجاتهم وأبنائهم بعدما أخذ نصف أتعابه، لكن المفاجأة بدأت تظهر عندما بحث عن اسم سعفان ووجد بيانات سعفان ظاهرة بالمواصفات المطلوبة أمامه وله رقم قومي... حدثته نفسه.

- هما لحقوا يضبطوا الكمبيوتر... حتى الكمبيوتر بيتضبط

ثم طلب من الموظفة طبع الأوراق وهاتف نرمين

- الووو طلبك جاهز يا أستاذة... أنا في السجل المدني  
طلعت شهادة ميلاد سعفان عليها اسم الأم جوهرة  
شركس والأب أكرم عاصم عبدالمجيد يلمظ معايا كمان  
شهادة ميلاد عاصم يلمظ... اسم الأم فيها أمينة  
الحمش... لازم يحضر بنفسه عشان يعمل بصمة العين.

## مصيلحي بهنس والمصلحة

بعدها دفع حسين شفيح المحامي أموالا كدفعة مقدمة من المبلغ المتفق عليه بدأ الصحفي مصيلحي بهنس بتشغيل كل وسائل الإعلام المرئية والمسموعة والمقروءة وحتى إعلانات الطرق بالإضافة إلى الكتائب الالكترونية وعمل صفحات على الفيس بعدد متابعين بالملايين وبعناوين

- حقك مش حيضيع يا سعفان
- المحروسة لن تغتصب حقك يا سعفان
- خليلات أو معشوقات بس ليهم حق
- حق الحكومة وقرارتها كانت على الخديوي وأسرته فقط
- أما العشيقات ليس لهن علاقة
- هل تبيع العشيقَة نفسها من أجل السراب
- العشيقَة لا تجني سوى الشوك
- مصر أم الدنيا تعطي ولا تأخذ

- الحكومة صادرت أموال الخديوي وعائلته كاملة ولكنها
- لم ولن تصدر أموال العشيقات
- باعت الشرف ولم تجني سوي العار
- لا لضياع الحقوق
- عاشقات الخديوي لهن حق
- مصر تعيد الحقوق إلى اصحابها
- مصر لن تأكل حق أحد حتي ولو كان حفيد خليات
- الخديوي
- سعفان يطالب بحقه
- العشيق له ثمن
- أنا راضي وأبوها راضي... من يحكم أعطى من تمتعه
- الحقوق لا تموت
- لنعن قوم ضاع الحق بينهم
- قلوبنا معك يا سعفان
- اطمئن يا سعفان مصر المحروسة تعطي ولا تأخذ
- وتصدرت هاشتاج # سعفان\_خليات\_الخديوي\_المحروسة
- عناوين الصحف الالكترونية

كما تقدم عدد من برامج التوك شو باستضافة الأستاذ حسين عبدالرازق المحامي لشرح إبعاد القضية وأنه لا يسعى لتدويلها لثقته في القضاء المصري الشامخ.

.....

الصحفي مصيلحي بهنس في مكتب حسين عبدالرازق المحامي، يتمجد فيما فعله وأن الحملة الإعلامية ستؤتي ثمارها، لكن الأهم أين سفغان؟

بدأ الناس يسألون في الشارع المصري من هو سفغان يلمظ حفيد أمينة هانم الحمش إحدى خليلات الخديوي، يجب أن يقدم سفغان في أسرع وقت للشارع المصري بثوبه الجديد، كل هذا طرحه الصحفي مصيلحي بهنس على المحامي.

المحامي

- المشكلة إننا مش عارفين نلبسه بدلة عشان يتصور صورة بطاقة الرقم القومي... حنقدمه للناس إزاي؟

مصيلحي بهنس

- للدرجة دي

المحامي

- دا إحنا حلقنا شنبه ودقنه بالعافية... كل ما نلبسه قميص  
وجرافاته يقعد يحرك رقبتة ودراعه حركات  
هستيرية... جاب ليا جان

### الصحفي

- عشان متعود على الجلايب الواسعة... على العموم  
أمره سهل نجيب له مدرسة اتيكيت

### المحامي

- انت كده حاتكشفنا

مصيلحي بهنس يضع قدم على قدم ويبتسم

- أنا حاجبله ست أجنبية متخصصة في الاتيكيت... لا  
تعرف لغتنا ولا تعرف حاجة حاجبيها بالطيارة تقعد شهر  
في الأوضة دي تعلمه كل حاجة وتأخذ أتعابها وترجع  
لبلدها.

### المحامي

- مين اللي حيترجم كلامها... مش حاقولك سعفان ما  
بيعرفش لغات... دا سعفان حتى العربي ما يعرفهوش.

مصيلحي

- بسيطة مدام نرمين اللي عندك تترجم الكلام واهي  
تسترزق هي كمان

المحامي

- حاتبدي إمتي؟

مصيلحي

- اديني أسبوع بالكثير وحاتبقي عندك خبيرة الاتيكيت...  
بس الفلوس اللي حتطلبها خارج اتفاقنا.

.....

سعفان ورمضان التربى في مكتب حسين عبدالرازق المحامي  
جلسا ينتظران في الاستقبال حتي خرج الأستاذ مصيلحي بهنس  
من حجرة مكتب الأستاذ حسين.

دخلا سويا إلى الحجرة و بعد تبادل التحيات

المعلم رمضان التربى

- يا أستاذنا إحنا بقالنا شهرين بعد ما طردنا الناس اللي  
ساكنة والناس اللي كانت مستأجرة محلات وحالنا واقف

ما بيدخلش لينا قرش وأنا باصرف على الخمستاشر  
تربي بعيالهم من جيبى.

يقاطعه الأستاذ حسين المحامى

- المواضيع دي حبالها طويلة وأرباحها كثيرة وانتوا  
عارفين كده كويس

رمضان التربى

- يعنى مش ممكن نسرع العملية شوية

الأستاذ حسين المحامى

- أنا من ناحيتي مش مقصر أديك شايف باطلع من برنامج  
واخش على برنامج عشان موضوعكم

سغفان مقاطعاً

- طيب العطلة جاية من إيه ولا مواخذه؟

يشير المحامى بأصبعه السبابة في اتجاه سغفان

- جايه منك يا سغفان... انت مالكش في الاتيكيت

خالص... دا وانت بتاكل باشوف مصرانك الغليظ وبتاكل

بصوت وبتشرب بصوت ومش عارفين نلبسك بدلة  
عشان تتصور.

رمضان التربى وقد بدى عليه علامات اليأس

- إيه الحل يا أستاذ عشان نطلع من المشكل دا؟

المحامى وهو يربت على كتف عم رمضان

- ما تقلقش يا راجل يا طيب... أنا حاجيب نسغان مدرسة  
تعلمه كل حاجة

ابتسم رمضان حتى ظهر طاقم أسنانه الأبيض اللامع

- ما ينفعش تعلمنى أنا كمان يا سعادة البيه؟

المحامى

- ينفع طبعاً... فى خلال أسبوع حنبداً بس عاوزك تحط  
لى ٥٠٠ ألف دولار... البرامج التليفزيونية والسوشيال  
ميديا بيصرفوا

رمضان التربى نكس رأسه

- أوامرك يا باشا

## التوثيق بداية الطريق

توجهت مدام نرمين إلى إدارة الجبانات بمحافظة القاهرة بمنطقة عابدين، كادت مدام نرمين أن تسقط مغشياً عليها وهي تنزل البدروم، إدارة الجبانات بالبدروم تشبه إلى حد كبير المقبرة الكبيرة، رأت موظفين مكتظين وعامل بوفيه يتحرك بينهم كالعصفور في خفة.

نادت مدام نرمين على عامل البوفيه

- لو سمحت

عامل البوفيه

- أمري يا هانم

مدام نرمين

- مين المدير هنا؟

عامل البوفيه ينظر إلى مدام نرمين ويكاد لعابه يسيل من  
ملابسها ومنحنياتها الواضحة التي تثير الغرائز.

- البويه المدير في أجازة مفتوحة... أمري يا هاتم

مدام نرمين تخرج من حقيبتها ورقة بمائة دولار يتلقها  
عامل البوفيه في خفة كأنه صياد ماهر.

عامل البوفيه

- أمري يا هاتم... أنا هنا الكل في الكل... كل الموظفين  
دول مديونين ليا وما يعرفوش يشتغلوا من غيري... أنا  
هنا مش مجرد بتاع شاي وقهوة أنا كمان بساعدهم في  
شغلهم وبطلع لهم الملفات و...

مدام نرمين تقاطعه بحدّة

- عاوزة كل الورق اللي يخص مقابر السيدة عائشة

عامل البوفيه

- مافيش مشكلة بس أنا حأخذ ألف دولار لأنني مش  
لوحدي وحأخذ وقت طويل

مدام نرمين تضحك

- بتتكنم بالدولار... اوكيه بس تجيب كل الورق ويكون  
أصول مش صور وبعدين تاخذ فلوسك.

عامل البوفيه

- حضرتك اللي ابتديتي شغل الدولار... على العموم  
أوامرك يا هانم بكره حاكون مجهز لحضرتك الورق بس  
حاسلمهونك في الكافيتريا اللي في وش الإدارة... عشان  
عندنا ناس بعيد عنك يا مدام ما بيحبوش الخير لحد  
ومستعدين يوقفوا المراكب السايرة.

مدام نرمين

- عارفاهم... دول اللي بيسموهم شرفاء

.....

في مكتب الأستاذ حسين شفيح عبدالرازق المحامي بدأ  
سغفان دروس الاتيكييت على أيدي مدام كويليه وتقوم مدام نرمين  
بالترجمة.

.....

في مديرية المساحة بالدقي شارع عكاشة رقم ٣ جلس خالد  
البيلى أحد المحامين بمكتب الأستاذ حسين شفيق عبدالرازق  
المحامي مع الموظف أشرف الكومي بمكتبه.

خالد المحامي

- المستشار حسين عبد الرزاق المحامي كلمك بخصوص  
لوحة مساحية بمقياس رسم ١ : ٥٠٠ مدن تبين عليها  
مسطح المنطقة اللي فيها مقابر السيدة عائشة... بس  
اوعى تجيب سيرة مقابر على اللوحة.

الموظف بهينة المساحة أشرف الكومي يحك رأسه

- هو كلمني بس ما قليش عاوزها في إيه انت عارف  
المحمول ما ينفعش فيه الكلام ده... انت عاوزها في إيه  
يا أستاذ؟

خالد المحامي

- انت عارف... هو الفيس سايب حد في حاله... من الآخر  
طلباتك إيه؟... أنا ما بحبش احرق كلام كتير..

موظف هيئة المساحة

- من الآخر أنا حأخذ ٢٠ ألف جنيه

خالد و قد عقد حاجبيه

- لأدا كثير جدا... نشوف حد تاني

يمسك موظف هيئة المساحة يد خالد بعد أن هم بالوقوف

- أنا مش لوحدى يا باشا أنا لسه ورايا ناس حاقبضهم

خالد

- مافيش مشكلة حادىك العشرين ألف بس بعد ما تخلص

موظف هيئة المساحة وقد تهلتت أساريه فرحاً

- دلوقتى تكون اللوحة عندك... الفلوس معاك؟

خالد

- معايا

.....

فى مكتب حسين شفيح عبدالرازق المحامى جلس الأستاذ  
حسين فى غرفة مكتبه على مقعده الوثير وأمامه عتبة السيجار  
الكوبى وزجاجة الويسكى وبالحجرة المقابلة يمكث سعفان يتناول  
دروس الاتيكيت بعناية وإتقان على أيدي مدام كويليه الصابرة  
على سعفان وبترجمة حصرية من مدام نرمين.

الأستاذ حسين أغلق باب الحجرة ثم أشعل السيجار الكوبي وبدأ يحتسي الويسكي ثم يفكر ويسترسل، أمامه جميع الأوراق الخاصة بمقابر السيدة عائشة من إدارة الجباتات ولوحة بمقياس رسم ١ : ٥٠٠ من إدارة المساحة، ماذا بعد؟، ما الخطوة التالية؟، كيف سيثبت أن هذه الأرض هي ملك سغان، ما الحجة؟، وأين الدليل والبرهان؟، دخان السيجار الكوبي بدأ يشعشع في تلافيفه، نزع الكرافت وفتح أزرار قميصه واخذ يدعك رأسه، تحرك إلى مكتبته الخشبية المليئة بالكتب القيمة مكتبة بعرض ستة أمتار ومرتفعة حتى سقف الغرفة تكاد تشع ثقافتنا وجمالاً من مظهرها الأخاذ وترتيب الكتب بها بعناية فائقة على أيدي محترفين، أخذ يتفحص الكتب ويحملق يميناً ويساراً حتى فاجأه المخاض لقد وجد ضالته، أمسك بكتاب عن حجج الوقف الأهلية وبدء يقرأ فيه ويغوص في المعلومات ويسبح فيها، حتى ولدت الفكرة، أمسك القلم المون بلو وبدأ يكتب في مفكرته.

- حجة وقف أهلية عندما أحست الهام بقرب نهايتها قامت بتحرير حجة وقف مشتقة من الحجة الأولى وتسمى حجة وقف بها حصة خيرية لابنها.
- مستندات الملكية مستخرج من القلعة

- يجب عمل كشف رسمي مستخرج من الضرائب العقارية بالناحية، هذه الأرض مكلفة باسم وقف أمينة عصمت حكمت الحمش والبالغ مساحتها ٢١٠ ألف متر مسطح من سنة ١٩١٢ إلى الآن.
- رفع دعوي تعيين حارس قضائي (سعفان)، يكون المتصرف في الوقف.

بعد أن انتهى الأستاذ حسين من كتابة العناوين في مفكرته فتح باب غرفة مكتبه واستدعى سكرتيرته الحساء.

- عاوزك تجيبي كل المحامين اللي في المكتب وافتحي أوضة الاجتماعات فيه اجتماع.

#### السكرتيرة

- طيب ومدام نرمين تحضر ولا تكمل شغلها مع سعفان باشا
- كلهم يحضروا وأولهم نرمين

نفذت السكرتيرة التعليمات وبدأ الاجتماع بحضور خمسة عشر محامياً بدأ الأستاذ حسين

- عاوز كل واحد فيكم وقدامه ورقة وقلم يكتب إزاي نطلع حجة وقف أهلية وإزاي نطلع مستندات ملكية ليس لها

وجود ولا حتى في القلعة ونجيبها من القلعة... التي  
حياوب على السؤالين دول حيتولي الموضوع من بابه  
وحياخذ مكافأة كبيرة... وانتوا مجرييني.

جلس المحامون والمحاميات كلاً في جانب يفكرون حتى أتت  
نرمين التلميذة النجيبة للأستاذ حسين بفكرة كتبتها على ورقة  
هنا أعلن الأستاذ حسين.

- حد عنده فكرة غير الأستاذة نرمين؟

تكلم أحد المحاميين

- أنا يا أستاذ

الأستاذ حسين ضاحكاً ومشيراً للسكرتيرة

- لمي كل الورق وهاتيه المكتب عشان أصححه

جلس الأستاذ حسين يقرأ الورق الذي كتبه المحاميين وحدث  
نفسه.

- ما فيش غير نرمين هيا اللي حتكمل الموضوع

.....

ذهبت نرمين لاستخراج مستندات ملكية من القلعة... نزلت من السيارة المرسيديس الخاصة بالمكتب وأمرت السائق أن ينتظرها، دخلت الفاتنة إلى داخل المصلحة التي سطر فيه التراب وخيوط العنكبوت، لم تسمع غير صوت طقطقة كعبها العالي المكان خيم عليه السكون، حتي جاءها رجل نحيف عجوز تجاعيد وجهه تعبر عن الخبرة والحكمة يرتدي كافرول، من هيئته تحس أنه ساعي بالمصلحة، وفاجأها بصوته الخشن.

- أمري يا أستاذة

نرمين تخلع نظارتها الشمسية

- أو مال فين الموظفين؟

الساعي يرد

- كل الموظفين مشيوا أصلهم راحوا يعزوا في وفاة ابن

عمة المدير

نرمين

- ما فيش حد خالص... طيب لو أنا عاوزة حاجة أطلبها

من مين؟

الساعي يعض على شفتيه كأنه نفذ منه الوقود

- فوتي علينا بكرة يا أستاذة

وكاد يدير ظهره ولكن مدام نرمين جذبتة بلطف من ذراعه

- اصبر بس يا حاج أنا عاوزة اخلص حاجة بسرعة وليك  
الحلاوة

الساعي

- أمري يا أستاذة خدامك خيرى

نرمين اخرجت ورقة من حقيبتها النسائية الأنيقة وأشارت  
بالورقة في اتجاه الساعي.

- لو سمحت يا عم خيرى عاوزه مستخرج رسمى من  
القلعة بيقول إن الأرض اللي بياناتها فى الورقة دي  
وقف أهلى باسم أمينة الحمش.

الساعي أخذ يقرأ الورقة بتمعن ويحلق بعينه الكبيرتين  
الجاحظتين مقرباً الورقة من جفونه.

- بس دي أرض المقابر؟

نرمين

- دي أرض وقف أهلى وإحنا عاوزين ورق بكده

الساعي

- من الآخر حتدفعي كام يا أستاذة؟

نرمين

- اللي تأمر بيه يا عم خيرى

الساعي يحك رأسه

- الشغلانة دي ما اخدش فيها أقل من عشرين ألف جنيه

نرمين تضحك بداخلها وتحدث نفسها وهي سارحة في المجهول

- دا راجل عبيط وعامل نفسه حدق... شغلانة تسوي  
ملايين وطالب فيها فتافيت.

الساعي يتفحص وجه نرمين الجميل

- يا ست؟... يا مدام؟... اللي واخذ عقلك

نرمين

- حتخلص الشغل إمتى؟

الساعي

- دلوقتي يكون معاكي مستخرج رسمي ومختوم بأن  
الأرض ملكية باسم وقف أمينة عصمت حكمت  
الحمش... بس استنيني بره المصلحة عشان الكاميرات  
في كل حطة وحضري الفلوس.

يأتي رجل أثناء وقوف نرمين مع الساعي

- لو سمحت كنت عاوز مستخرج رسمي

الساعي

- ورقك سليم ولا فيه حاجة؟

الرجل

- كله سليم... أنا بقالي أسبوع نفسي أخلص الورقة دي...  
مرة يقولوا مدام عفاف مش موجودة ومرة أستاذ مراد  
عيان ومرة مدام اعتماد بتستأذن بدري عشان بترضع  
بنتها... ساعة رضاعه... أنا ورقي سليم ونفسي  
أخلص... أنا تعبت.

الساعي

- بقالك أسبوع وعاوز تخلص... دا انت متفائل أوي...  
الموظفين كلهم في عزا ابن عمه المدير

ويدير الساعي ظهره للرجل

تنتظر مدام نرمين في السيارة المرسيديس وهي تحدث نفسها

- ناس عديمي الضمير... رجل ورقه سليم ومع ذلك  
بيعطلوه وإحنا شغلنا شمال بس بيمشي أسرع من  
الصوت.

فاجأها الساعي بالطرق على زجاج السيارة

- فين الفلوس يا هانم

نرمين

- أشوف شغلك الأول

الساعي

- حقك يا أستاذة

نرمين تقرأ الورقة وتتفحصها وتتمحصها ثم أخرجت الأموال  
من حقيبتها

- اتفضل

الساعي

- كتر خيرك يا هانم أي حاجة عاوزاها في القلعة خدامك  
خيري حايقوم بالواجب... وأي حد من طرف حضرتك  
يسأل عني... خدامه يا هانم.

كانت الورقة تحتوي على مستخرج رسمي من القلعة فحواها أن  
هذه الأرض مكلفة باسم وقف أمينة عصمت حكمت الحمش  
والبالغ مساحتها ٢١٠ ألف متر مسطح من سنة ١٩١٢ إلى الآن.

انطلقت نرمين إلى الضرائب العقارية بالناحية

## سعفان في ثوبه الجديد

في مكتب الأستاذ حسين شفيح عبدالرازق المحامي جلس  
الأستاذ ومعه سعفان الجديد الذي يبدو من وجاهته أنه من طبقة  
النبلاء مهندم ومنمق في مظهره يضع رجل على رجل وعم  
رمضان التربي يحتسون القهوة، وعلي غير العادة كان سعفان  
يرتدي بدلة أنيقة تم تفصيلها من أفخم الأقمشة الانجليزية  
واصبح لا يشرب القهوة بصوت أما عم رمضان فما زال كما هو  
يعزف سنفونية مزعجة مثيرة للتوتر.

سعفان

- معاليك أنا عاوز اشوف عيالي وحشوني قوي

الأستاذ حسين المحامي

- لسه مش دلوقتي يا سعفان

سغفان

- أنا بقيت أستاذ في الاتيكيت وحضرتك شايف

يقاطعه الأستاذ حسين

- لازم تنسي عيالك مؤقتا لحد لما تستلم الأرض

انفعل سغفان

- حضرتك أنا باعمل كل ده عشان عيالي ولولا عيالي أنا

ما كنتش حافكر اعمل كده... أنا مش مهم أهم حاجة

عيالي الأربعة.

الأستاذ حسين مبتسماً

- انت قلقتان ليه؟ عيالك بيتبع ليهم فلوس أكثر من الأول

وعايشين فيه فيه وعم رمضان مفهمهم إنك مسافر بره

مصر وبتجيب ليهم فلوس... عيالك بخير وحيبقوا

أحسن بس اصبر شوية عشانهم.

سغفان

- أنا عاوز ادخلهم مدارس دولية... اللي فيها العيال

بتبرق دي... ويستحموا مرتين في اليوم.

## عم رمضان مقاطعاً

- بس أنا باسمع ان المدارس دي لازم يتعمل مقابلة مع الأب والأم ودنيا تانية.

### بيتسم المحامي

- ولا دنيا ولا حاجة لو معاك حاتخش... ما معكش يبقي تركز على جنب... مدرسة أو اتنين بس هما اللي فيهم كده إنما الباقي ببيوظوا أعصاب أولياء الأمور وبيسألوا أسئلة ترفع الضغط من عينة كلمني عن نفسك... إيه الدول اللي رحتها... اتعلمت فيها إيه... إيه اللي نفت نظرك... ويمتحنوه في الإنجليزي... طيب لما يبقي العيل اللي داخل حضانة عنده كل الخبرات دي... يبقي دا مش محتاج مدرسة... ده عبقري ومالوش مثيل.

هدأ سعفان ثم نظر الأستاذ حسين نعم رمضان

- إيه يا عم رمضان عاوزين اتنين مليون دولار عشان خلاص فاضل تكة ونخش على القضية.

### رمضان التربوي

- أنا عمال اصرف من لحمي الحي ولسه ما شوفتش أي  
نتيجة

الأستاذ حسين

- باقي على الحلو زقه... ويعدين ما تنساش إحنا اتفقنا  
على عشرين لسه ما وصلناش لربع المبلغ.

ثم يشير إلى سعفان

- حضر نفسك عشان بكرة عندك لقاء تليفزيوني...  
العربية حتأخذك الساعة ١٢ الظهر من القصر اللي انت  
قاعد فيه في حلوان تكون جاهز وتخلي الشغالين  
يحضروا ليك بدلة رصاصي غامقة عشان أنا حاكون  
لابس بدلة سوداء والكرافات خليها كحلي وما تنساش  
المنديل.

.....

في الضرائب العقارية جلست مدام نرمين في مكتب الأستاذ  
نبيل جميل وأخرجت ورقة المستخرج الرسمي من القلعة.

- لو سمحت يا أستاذ نبيل كنت عاوزه مستخرج رسمي  
من الضرائب العقارية

## الأستاذ نبيل جميل

- تأمري يا هانم... عقبال ما تشربي فنجان القهوة حنكون  
خلصنا المطلوب.

ومن لم يعرف الأستاذ نبيل جميل، هو رجل مخضرم يأخذ  
عدة رواتب شهرية من جهات مختلفة منهم الأستاذ حسين  
المحامي يقاضيه راتب شهري كما أن الأستاذ حسين يمتلك  
فلاش ميموري مسجل عليه كل فضائح الأستاذ نبيل، فقد  
اصطحبه الأستاذ حسين إلى أحد بيوت الدعارة التي يتردد عليها  
حسين شفيح المحامي للتعرف فقط وقام بتصوير الأستاذ نبيل  
صوت وصورة في أوضاع مخلة كفيلا بأن تدفنه بالحياة بقية  
عمره وتضع رأسه في الطين، الأستاذ حسين المحامي يستعمل  
مع خصومه مبدأ العصاه والجزرة، يعطي الأستاذ بلبل كما  
يسميه الأستاذ حسين المحامي مبلغا شهريا محترما وفي نفس  
الوقت إذا حاول أبو البلايل الانحراف قليلا عن الخط المرسوم  
له، حينها فقط يريه الأستاذ المحامي العصاه ويلوح بها حتى  
يعيد بلبل إلى رشده، الأستاذ نبيل رجل خمسيني العمر لكن يهتم  
بنفسه يصبغ شعره الناعم إلى اللون البني الداكن متوسط القامة  
جسده ممشوق كالنحلة ليس له كرش كأقرانه أو من هم في مثل  
عمره وجهه مليئ بالتجاعيد التي يحاول التغلب عليها ولكن

عوامل الزمن لها الكلمة الأخيرة عينه دقيقة كالثعبان يضع فوقها نظارة طبية على الرغم من إجرائه جراحة ليزك متقدمة ولكن العمر له تأثير، حواجه خفيفة، بشرته بيضاء بها نمش ملحوظ يهتم بنفسه وأناقته كثيراً ويحب الحريم خاصة الشمال أو شمال الشمال يجد ضالته فيهم على الرغم من أن له أحفاد، يكمن انحرافه بسبب إهمال زوجته له، حيث كانت زوجته تعمل مدرسة خارج البلاد لسنين طويلة، الوحدة والملل يفعلان أكثر من ذلك.

فرغت مدام نرمين من فنجان القهوة، ثم حضرت الورقة، استلقفها الأستاذ نبيل وختم عليها بختم النسر.

الورقة فحواها

- من واقع الاطلاع على دفاتر القيد سنة ١٩٠٨ حتى تاريخه تبين أن المسطح ٢١٠ ألف متر مسطح والواقع بناحية منطقة السيدة عائشة مكلف باسم وقف السيدة أمينة عصمت حكمت الحمش إلى الآن.

## ثري تو وان... اكشن

بمدينة الإنتاج الاعلامي بالسادس من أكتوبر الأستاذ حسين شفيح عبدالرازق يجلس في استوديو إحدى القنوات الفضائية وبجانبه سغان والمذيع التلفزيوني الشهير نادر زهدي ذو الطلة البشوشة والأناقة المعهودة، الكل يتهيئ من عمال إضاءة إلى كاميرا مان إلى مهندس صوت، الكل يتحرك كخلية نحل ينتظر إشارة المخرج لبدء التسجيل، فريق الإعداد يتناقش مع المحامي وفناني المكياج يضعون اللمسات الأخيرة على المذيع والضيوف، تثبت الإضاءة وركبت الميكروفونات وانقطع الضجيج وانسحب فريق الإعداد وفريق المكياج ثم صاح المخرج:

- ثري تو وان... اكشن

المذيع بابتسامته الشهيرة ووجهه البشوش:

- مرحباً بكم أعزائي المشاهدين في برنامجكم كلام كثير...  
قضية شغلت الرأي العام ووصل عدد متابعيها إلى  
الملايين داخل مصر وخارجها... من الجاني؟ ومن  
المجني عليه؟ أين الحقيقة... خليات الخديوي يعدن في  
ثوبهن الجديد... هل سغان حفيد أمينة هانم الحمش له  
حق؟... معنا ومعكم المستشار حسين عبدالرازق  
المحامي والسيد سغان يلمظ حفيد أمينة هانم الحمش  
إحدى خليات الخديوي.  
- في البداية احب ارحب بيكم

سغان :

- أهلا وسهلا يا أفندم

حسين عبدالرازق

- أهلا

المذيع

- السادة المشاهدين عاوزين يعرفوا انت كنت فين يا  
سغان

سغان مبتسماً

- كنت في قصر جدتي في حلوان

المذبح

- لأنا ما بتكلمش على المكان معني كلامي انت ليه جاي  
دلوقتي تطالب بحقك بعد كل السنين دي؟

سغان يجيب

- فهمت سؤالك يا أستاذ نادر... الفكرة كلها إن بقيت  
وحيد لا أمك من حطام الدنيا شيء... فقدت كل شيء  
والذي توفي ودفن في الغربية بعيد عن حضن بلدنا ومات  
مديون وأمي كذلك... واحد فقد الحنان وكل حاجة  
النتيجة الطبيعية إنه يدور في دقاته القديمة... دا إلى  
جانب المناخ الديمقراطي اللي مترسخ في بلدنا... كل ده  
شجعني إني أطالب بحقي.

المذبح

- يا ريت تحكي للسادة المشاهدين عن حياتك كنت بتعمل  
إيه؟ بتشتغل فين؟ إيه مؤهلاتك؟ متجوز ولا لأ؟ وكده

سغان

- أنا مواطن مصري حر في بلد حر عشت على تراب البلد  
دي وعاوز اموت فيها ما اموتش في الغربية زي أبويا  
وأمي.

ثم تذرف عين سعفان بالدموع وبالطبع دموع تماسيح لكن من  
يعلم، يبكي سعفان ويشتد في البكاء.

المذيع

- أنا آسف إنني قلبت عليك المواجه فاصل ونرجع تاني  
بعد الفاصل انسحب سعفان ليس لسوء حالته النفسية ولأنه  
لم يتماك نفسه كما أعلن المذيع ولكن لأنه لم يعرف بماذا يجيب.  
المذيع يوجه سؤاله للمحامي

- سيادة المستشار إزاي اتعرفت على السيد سعفان

المحامي

- عن طريق أحد الأصدقاء من العائلات الارستقراطية  
القديمة العريقة... قابلته هو وسعفان في جروبي اللي  
في وسط البلد وأنا تعاطفا معاه وبإحساسي الصادق إنه  
مظلوم قررت اتبنى القضية وبدون أتعاب.

## بيتسم المذيع في خبث

- يعني ما فوتلكش أي حاجة يا سيادة المستشار... أتعابك صفر؟

## المحامي

- أقسم واحلف هاتولي مصحف احلف على عنيا... أقسم لك يا أستاذ نادر إني ما اخدتش جنيه واحد في القضية دي... أنا شغلتي إني أجيب حقوق الناس... وأكد فيه إنسانيات يعني لو لقيت واحد ابن ناس وابن عائلة ومش قادر يدفع باشيل الموضوع كله وما بخدش منه ولا جنيه... باكتفي إنه يدعي ليا دعوتين حلوين وتكون أبواب السماء مفتوحة أنا متعتي في الحياة إني أكون سبب في محو الظلم عن المظلومين.

المذيع ينظر إلى المحامي وهو مسترسل في الحديث ويقول في قرارة نفسه:

- آه يا منافق يا ابن..... (ألفاظ نابية)

## المذيع

- نخرج فاصل ونعود ابقوا معنا

بعد الفاصل

المذيع

- أهلا بكم... طيب حضرتك مسكت القضية... ناوي على إيه؟... إحنا ما شفناش قضية اترفعت وكله لسه كلام في كلام وسوشيال ميديا مشتعلة... بس مافيش خطوات جادة.

المحامي يقاطع المذيع

- أنا حاديك سبق للبرنامج... إحنا رفعنا النهاردة قضية على وزارة الأوقاف لاسترداد الوقف الأهلي الخاص بالسيد سغان وبالمستندات بص حضرتك وخلي الكاميرا تيجي على المستند... دي شهادة من هيئة الضرائب العقارية ومختومة بختم النسر ودي شهادة من...

المذيع يقاطعه

- بغض النظر عن المستندات... في سؤال محيرني أنا شخصياً... القضية دي تم إثارتها من فترة ليه مش من أول يوم رفعت قضية ولسه رافع دلوقتي يا سيادة المستشار؟

## المحامي

- دا سؤال وجيه يا نادر... أنا ما رفعتش قضية ليه من أول يوم... أنا عاوز اقولك حاجة أي حد يجي ليا يخبط عليا بابي ويقول ليا يا سيادة المستشار أنا مظلوم أو أنا ليا حق اروح اجري ارفع ليه قضية... ولا لازم أتأكد الأول إنه مظلوم وليه حق؟... طبعاً لازم أتأكد انه مظلوم... وعشان أتأكد ده بياخد وقت... لازم اتحرك بجيش من المحامين عشان أتأكد إن كل ورقة سليمة ولا تشوبها شائبة... وبعد ما أتأكد إنه مظلوم ظلم بين باتخذ الإجراءات القانونية.

## يقاطعه المذيع

- طيب لو مش مظلوم حضرتك بتعمل إيه؟

## المحامي

- باطرده من مكنتي... ولو عرفت في يوم من الأيام إنه رفع القضية من خلال محامي تاني وكلهم أبنائي وإخواني الصغيرين... أنا ما بسكتش... باروح انبه المحامي من باب الزمالة إن القضية دي شمال... لو الأستاذ تنحي بارفع ليه القبعة... اما لو استمر في

القضية بأقدم مستندات للمحكمة تنسف القضية ويمكن  
كمان اشتكى المحامي ده فى النقابة لأنه بيبيء  
للمهنة... هذه المهنة الشريفة التي تقدم الكثير من أجل  
العدالة.

المذيع

- يا ريت كل المحامين يحذوا حذوك يا سيادة المستشار  
أخذ المذيع يحاور المحامي ويسترسل الآخر فى الحديث إلى أن  
انتهى وقت البرنامج.

## العدالة تأخذ مرساها

قامت مدام نرمين بعمل الإجراءات اللازمة ضد وزارة الأوقاف لتعيين سغفان عصمت يلنظ (سغفان الزناتي سابقاً) حارساً قضائياً على أرض الوقف الأهلي لمساحة ٢١٠ ألف متر مسطح، تم تأجيل القضية إلى جلسة الأربعاء ٣ نوفمبر ٢٠٣٢ للنطق بالحكم، لكن لم يهدأ الأستاذ حسين المحامي ولم يكن أو ينتظر، كان ينظر دائماً للأمام ولا ينظر أسفل قدميه، جلس يجمع أفكاره، اجتمع بعم رمضان واخبره بضرورة هد جميع المقابر الموجودة وتحويل المنطقة لأرض فضاء، بالطبع هذا خارج اتفاق العشرة بالمائة، الغريب في الأمر أن رمضان لم يعترض ولم يبد أي انزعاج ، كما أنه طوال الجلسة كان وجهه في الأرض، واضح عليه الحزن الشديد، كذلك اقتراحه أن يحضر المحامي من طرفه شركة مقاولات من أجل أعمال الهدم أثار في نفس المحامي شئ من الريبة، ماذا حدث نعم رمضان.

الأستاذ حسين المحامي

- مالك يا عم رمضان شكلك مش عاجبني؟

رمضان

- ابني الوحيد دهسته عربية في الكويت... وهو في  
المستشفى دلوقتي

الأستاذ حسين المحامي

- ما تقلقش بسيطة... إمتي حصل؟

رمضان

- من ساعة واحدة... دا ابني الوحيد يا باشا وجبته وأنا  
فوق الخمسين... ما ليش غيره... أنا بأعمل كل ده  
عشانه... أنا راجل عجوز رجل بره ورجل جوه... أنا  
مش عاوز حاجة من الدنيا ومش حاخد حاجة معايا...  
أملئ إني اشوفه متهنئ ومبسوط واشوف عياله.

الأستاذ حسين يربت على كتف عم رمضان

- ولا يهملك أنا حاتواصل مع صديق ليا في الكويت واخليه  
يظمن على ابنك

عم رمضان وقد زاد عليه الحزن حتي أصبحت عيناه على حافة  
الدمع.

- ما لوش لزوم يا باشا... زميل ابني بيظمنوني عليه  
أول بأول

الأستاذ حسين المحامي

- لازم تعزل يا عم رمضان انت وكل الترايبية خلال أسبوع  
بالكتير عشان الشركة مش حتخلي تنتوفة في المقابر.

عم رمضان وهو متأثر

- نروح فين يا بيه؟... إحنا مالنش عيشة إلا هناك

الأستاذ حسين

- لازم تأجروا شقق في مناطق جديدة وتكون الناس ما  
تعرفش بعض ومحدث ببسأل عن حد ولازم تكونوا  
ساكنين بعيد عن بعض... ويستحسن تسكنوا في  
محافظات مختلفة

عم رمضان

- بسيطة... ولاد سعفان ومراته حاوديهم فين؟ اوديهم  
يعيشوا مع أبوهم في القصر اللي في حلوان؟

الأستاذ حسين

- ما تشغلش بالك بزوجة سعفان وأولاده أنا استأجرت  
ليهم فيلا في التجمع حيروحوها من بكرة... وعياله  
اتقدم لهم في مدرسة دولية زي ما سعفان طلب.

عم رمضان خرج من مكتب المحامي متأثراً حزيناً محدثاً نفسه

- إيه اللي عملته في نفسي ده؟... المنطقة اللي ذكرياتي  
فيها... اتولدت وعشت فيها وأهلي كلهم عاشوا وماتوا  
فيها حاسيبها... كل ده عشان ابني... ابني يستاهل  
الأحسن مافيش كلام... بس أهوه في المستشفى ومش  
عارف اشوفه... يا تري اللي بعمله ده صح ولا غلط؟

.....

في أقل من أسبوع، عم رمضان يقيم في شقته الجديدة  
بمدينة بدر، شقة جديدة وهو المستأجر الأول، الشقة تشرح  
القلب الحزين، لكن عم رمضان لم يكن سعيداً وكان في أقصى  
درجات الحزن والخوف والقلق على مصير ابنه، يتصل عم  
رمضان خمس مرات يومياً بأصدقاء ابنه للاطمئنان عليه ويكون

ردهم الدائم هو في العناية المركزة وبخير لكن الأطباء يمنعون دخول الهواتف إلى داخل الغرفة، أما بقية الترابية فقد تفرقوا على المدن الجديدة مستأجرين لحين الانتهاء من القضية وتحصيل الأموال ثم يصبحوا من ذوي الأملاك.

.....

بدأت شركة المقاولات أعمال الهدم وكان العقد ينص صراحة على أن يلتزم المقاول بإزالة جميع المنشآت القائمة في مقابل الحصول على جميع الأخشاب والحديد وأي مواد أخرى من المنشآت القائمة، شركة المقاولات المسئولة عن الإزالة تعمل بكافة إمكانياتها للتخلص من أي منشأ مهما بلغ صغره، العمل على قدم وساق تحس كائك في عاصفة الصحراء، معدات تعمل وبشر يتحكمون وعواصف ترابية ناتجة عن الإزالة.

## عودة عم رمضان إلى رشده

خرج رمضان من منزله ببدر وركب القطار المكهرب متجهاً إلى السيدة عائشة، ما هي إلا دقائق معدودة حتى وصل إلى محبوبته منطقة السيدة، رأى أعمال الإزالة والحفارات تعمل على قدم وساق، حدث انقباض في قلبه، لم يتحمل الصمود كثيراً، لم يتمالك نفسه إلا وهو يبكي، في خلال أقل من ساعة ترك الموقع ليتركب المترو لمحطة عدلي منصور ثم القطار المكهرب ويعود مرة أخرى إلى سكنه الجديد، حدث نفسه وهو يبكي.

- ما تزعلش يا عم رمضان... بكره لما ابنك يرجع  
بالسلامة ويبقى متهني ومعاها الملايين حاتعرف إنك  
عملت الصح.

توقف القطار في المحطات المعتادة الشروق والعاشر لكن  
عم رمضان لفقده التركيز وشدة تعلق تلافيف لبه وقلبه بابنه

كان يخطئ وينزل في هذه المحطات سارحاً حتى يتفاجأ أنها ليست محطته الأخيرة ثم يعيد الكر، أخيراً نزل عم رمضان من السلام الكهربائية حتى فاجأه الهاتف، رقم صديق ابنه من الكويت الشقيقة.

عم رمضان أحس بانقباضه في قلبه أشد وطأة مما حدث له وهو يري الحفارات لكنه يردد.

- الوووووو... أنا كنت حاتصل بيك لما اروح... طمني يا  
ابني وحيد قام بالسلامة؟

الشخص المتصل

- الوووو أيوه يا حاج... انت راجل مؤمن...

رمضان وقد احمرت عينيه وتوقف قلبه عن النبض لبرهة،  
يحس باقتراب البركان.

- بتقول إيه!؟

الشخص المتصل

- انت راجل مؤمن شد حيلك... وحيد تعيش انت

عم رمضان تحول كالذئب يريد أن يفترس المتصل

- بتقول إيه!

الشخص المتصل

- البقاء والدوام لله وحده

عم رمضان لم يتمالك نفسه وسقط مغشياً عليه، تجمع الناس في المحطة من ركاب ومسؤولين حول عم رمضان وأخذوه ركضاً إلى عيادة المحطة، الطبيب صرح بأنه أصيب بصدمة عصبية مما استدعى إعطائه حقنة مهدئة وتم نقله بسيارة إسعاف إلى المستشفى الرئيسي، أفاق عم رمضان في المستشفى ويده مكبلة بالمحاليل، أفاق يبكي ويصرخ.

- ابني... ابني... ابني

توجه فريق الطوارئ إلى غرفته وسارعوا بإعطائه حقنة مهدئة، سارت الحقنة في شرايينه واسترخت قواه، بعد فترة زمنية ليست بالقليلة أفاق وهو يبكي ويحدث نفسه بصوت مرتفع.

- أنا عملت كل ده عشان ابني مش عشاني... يا حبيبي يا

وحيد... كان نفسي انت اللي تدفني وتترحم عليا... يا

وحيد

حضرت الممرضة مسرعة تططب على عم رمضان

- اهدأ يا حاج... ممكن تهذا حضرتك وتديني الرقم التأميني أو بطاقة الرقم القومي عشان ندخله على كمبيوتر المستشفى... ما تقلقش كله ببلاش على حساب التأمين.

عم رمضان ينظر إلى الممرضة شذراً والدموع تسيل منه كالأنهار

- دا وقته... انتي ما عندكيش دم ولا بتفهمي... تليفوني فين؟

الممرضة بكل هدوء تفتح درج الكومدينو وتخرج الهاتف المحمول والمحفظة.

- اتفضل حاجة حضرتك كلها ابيه يا حاج... ومتشكرة لحضرتك على الإهانة.

ثم يلتفت لها عم رمضان وهاتف سعفان يحكي له ما حدث وفي نهاية المكالمة

- أنا عاوز جثة ابني عاوزه يدفن هنا في وسط أهله وناسه يا سعفان

.....

يذهب سعفان إلى المستشفى ومعه الأستاذ حسين المحامي  
ويدخلوا إلى الغرفة التي يتواجد بها عم رمضان، سعفان يدخلان  
عليه يقبل سعفان رأسه ويده.

- البقية في حياتك يا عمنا... شد حيلك إحنا كنا ولادك...  
حصل إزاي ده؟

الأستاذ حسين المحامي

- شد حيلك يا عم رمضان كنا لها.... ابنك في الجنة  
ونعيمها

ينظر عم رمضان بقرع إلى الأستاذ حسين المحامي

- أنا عملت كل ده عشان ابني... أنا مش عاوز حاجة من  
الدنيا... أنا نفسي اموت وأنا ماظلمتش حد... انسي يا  
متر موضوع المقابر... أنا حادفن ابني فيها وارجع  
اعيش فيها

سعفان وقد عقد حاجبيه وبدأ أولى خطوات الانفعال

- إيه اللي بتقوله ده يا عم رمضان؟

المحامي مسك يد سعفران إشارة منه إلى السكوت، ثم أكمل  
رمضان.

- الدنيا متفاته إنا اللي نسينا نفسنا... اللي كنت مستعد  
اعمل أي حاجة عشانه اهوه راح...

المحامي مقاطعاً عم رمضان

- طيب ما هو سعفران ابنك وعنده عيال... خلي عياله  
يعيشوا... الحي أبقى من الميت

رمضان مستكراً

- أنا آخر كلام عندي قولته... مافيش مسمار ينضرب في  
المقابر والشركة اللي بتهد توقف هدد وأنا حابني  
المقابر اللي اتهدت من تاني وارجع الحقوق لأصحابها.

المحامي يشير إلى سعفران بالسكوت ويتحدث هو

- طيب لو ما رجعناش وكمنا المشوار

يقاطعه عم رمضان

- ما انت وشك مكشوف يا بيه وما عندكش قلب.... أمك  
ماتت وما فكرتش حتى تدفنها

المحامي مقاطعاً بحده

- أعلى ما في خيلك اركبه

عم رمضان

- حافظحك في كل حته واروح اشهد في المحكمة اللي  
جلستها بعد شهر من دلوقتي.

المحامي يغمز سعفان

- دا أنا بهزر معاك حنعملك اللي انت عاوزه يا عم  
رمضان

ينفعل سعفان ويحمر وجهه وسيبدأ في الكلام لكن يشير له  
المحامي بالسكوت والانصراف.

يخرج الأستاذ حسين المحامي وسعفان من المستشفى وفي  
السيارة خلال رحلة العودة يومئ المحامي لسعفان بضرورة  
التخلص من رمضان في أسرع وقت ممكن فيحدثه سعفان.

- طيب ما نخلص منه في المستشفى... حقنة هواء  
والسلام ختام

المحامي

- انت عبيط... مستشفى يعني سين وجيم وبعدين  
المستشفيات كلها متراقبة بشبكة كاميرات وما ينفعش  
حد يخش أي مستشفى أو يخرج منها إلا لو كان من  
معارف المريض أو من طقم المستشفى أو مريض...  
خلص في المقابر.

سغان

- إزاي يا باشا؟

المحامي

- اخفيه خالص

سغان

- مية النار... تخليه يسيح... بس أنا عاوز رجالة

المحامي

- انت ما تظهرش في العملية دي خالص... إحنا ما صدقنا  
خاينك تنصف... أنا عندي اللي يخلص... بس لما  
رمضان يحصل ابنه مين اللي حيصرف على المشاريع  
اللي حتتعامل والقضايا اللي اترفعت.

سغفان مستغرباً

- فعلا فاتتني دي ... لامش عارف عم رمضان حاظظ  
فلوسه فين

المحامي

- أول ما الحكم يطلع وتخلص الإجراءات انتوا تبيعوها  
لمستثمر أجنبي وتأخذ انت الفلوس كلها في كرشك يا  
سغفانولا.

سغفان

- وبقيت الترابية حنعمل فيهم إيه؟... دول معاهم تاريخي  
كله... أنا عاوز ابتدي حياة جديدة ومش عاوز مشاكل.

المحامي

- إحنا بلد ورق ومكاتب... يروحوا يشتكوا وأنا حاحبسهم  
بوصولات الأمانة اللي كتبوها على نفسهم وحاخليك انت  
المستفيد.

سغفان انفرجت أساريه وبانت أسنانه البيضاء بابتسامته  
العريضة وحدث نفسه.

- كده أنا اخدت الجمل بما حمل وأمنت مستقبل عيالي  
وعيال عيالي... سؤال بس أنا عارف إن مش وقته.

المحامي يعرض على شفتاه

- قول..... ارغي

سغفان

- بس تقول ليا بصراحة... هي مدام نرمين شمال

المحامي مقاطعاً بحدة وعنف

- اخرس يا حيوان... دي ست محترمة وبنيت ناس  
وماحدث شاف عليها حاجة وحشة... بس الزمن...

.....

خرج عم رمضان من المشفى منقوفا بأحزانه ومكث في المقابر كما كان في غرفته التي لا تزال على حالها على الرغم من خلو ما حوله، لكنها لم يتم إزالتها بعد، بقيت غرفته مع عدد محدود من الغرف، كما إنه ترك صندوق الأموال في شقته ببدر دون أن يفكر في نقله مرة أخرى إلى مكانه الأول، المكان أصبح خالياً مخيفاً وخيم عليه شبح الموت لا يوجد في المقابر سوى هو وعم عيد الكندوري هاتف عم رمضان أصدقاء ابنه فأبلغوه

أنه يجب دفن ابنه هناك وإكرام الميت دفنه، وأن الدعاء للمتوفي سيفيده أكثر من دفنه بجواره فاستسلم لكلامهم، ثم ذهب ليجلس مع عم عيد الكندوري في غرفته، الوحيد الذي لم يترك المقابر، بكى عم رمضان واستمر في البكاء وعم عيد يواسيه.

- كله فاني

عم رمضان

- أنا كان نفسي هو اللي يوصلني ويشربني بق الميه  
ويدعي لي

عم عيد

- ما حدش عارف مين حيوصل مين... ابنك ارتاح...  
وكلنا حانرتاح.

عم رمضان

- انت أكثر واحد محتاج يا عم عيد ومع ذلك عفيف عمرك  
ما مديت إيدك ولا أخذت حاجة من حد غصب حتي  
الحوش اللي انت قاعد فيه كنت بتدفع إيجار لسعفان...

عم عيد

- أنا ما عنديش حاجة اخسرها في الدنيا دي... زي ما  
انت شايف فرشة فلايات وأمشاط بابيعها وباكل واشرب  
منها ولا زوجة ولا أولاد... كله نصيب... أنا باسعى  
واعمل اللي عليا... بس عمري ما أدركت النجاح... بس  
حافضل اسعى.

عم رمضان يقاطعه

- خد المفتاح ده... دا مفتاح شقتي اللي مأجرها بيدر روح  
اقعد فيها... وكل اللي في الشقة حلال عليك وحتلاقي  
صندوق حديد كبير دا ملكك باللي فيه.... افتحه واتمتع  
بيه... بس طلع ثلث اللي فيه صدقة على روح وحيد...  
بس روح دلوقتي.

عم عيد

- طيب وحاجتي؟

عم رمضان

- كل حاجة هناك روح بطولك بس... اسمع كلامي... لو  
روحت وما عجبكش الوضع ابقى ارجع هنا تاني...  
مفتاحك معاك وحاجتك في الأوضة زي ما هي.

.....

أهل الليل، نام عم رمضان ليلته بعدما صلى ودعى لابنه،  
ليستيقظ الساعة الثالثة بعد منتصف الليل على صوت سيارة  
دودج سوداء تقتحم المقابر رغم سكون المكان، السيارة كان بها  
قفص حديدي كما رأى من شباك غرفته، أغلق الشباك وعاد  
لنوم ليجد الباب يقتحم والقفص الحديدي يفتح في نفس التوقيت  
ليخرج منه أسد، سبع جائع، يلتهم عم رمضان كاملا دون  
هواده.

## كسبنا الحكومة وبقينا قرايب

في يوم ٣ نوفمبر تم الحكم في القضية رقم ١٦ لسنة ٢٠٣٢ بتعيين سعفان عصمت حكمت يلمظ حارساً قضائياً على أرض وقف أهلي بمساحة ٢١٠ ألف متر مسطح والمتصرف في الوقف وله حق البيع والشراء والاتفاق والتوقيع على العقود الخاصة بالوقف، يأخذ سعفان المحامي بالأحضان بعد سماع الحكم ويهتف:

- يحيا العدل

.....

الأستاذ حسين المحامي يقيم احتفالية كبيرة بأحد الفنادق الكبرى على شرف سعفان بمناسبة ربح القضية أما المدعويين فكانوا قلة قليلة من باب داري على شمعتك تقيد وبالطبع الأستاذة نرمين كانت حاضره وبقوة بفسطان عاري لدرجة أنه

يظهر أكثر مما يخفي والأستاذ مصيلحي بهنس كان حاضراً  
وحيداً منفرداً بعدما تركه صديقه وانتحر بجرعة هروين زائدة،  
والسادة المحاميين الذين يعملون لدى الأستاذ حسين ورجل  
غريب لا يحمل الملامح المصرية.

الأستاذ حسين موجهاً كلامه لسعفان

- شايف الراجل اللي واقف هناك؟... دا مدير الشركة اللي  
حتتفاوض معنا على شراء الأرض.

سعفان

- أنا فاكر كلامك كويس يا باشا المتر مش حايقبل عن ألف  
دولار

المحامي

- دا لو حيشترها مترفقة جاهزة... وما تنساش عمولتي  
٢٥%

سعفان

- ٢٥ إيه يا أستاذ؟ انت اتفقت من الأول على ١٠%

المحامي

- الكلام ده لو معاك زماينك إنما دلوقتي انت بطولك

سيفان

- مش مهم النسبة المهم أنا حيطلع ليا كام

المحامي يشير إلى مدام نرمين بالجلوس معهم

مدام نرمين

- اوعى تنسي حلاوتي يا سيفان

سيفان

- أنا كلي ليكي... تتجوزيني؟

يفاجأ المتر حسين ونرمين بالطلب فيعيد سيفان السؤال مرة

أخرى

- تتجوزيني؟

## مأساة نرمين أمين

المفاجأة شديدة نرمين ستتزوج مليونير ولكنه جاهل، هل ستعيد الكره مرة أخرى؟، تسرح نرمين في ما آلت إليه حياتها.

تذكرت نرمين عندما رقصت في فرح إحدى قريباتها في المنصورة وكانت نرمين راقصة من الطراز اللولبي المحرك للوجدان يسيح الأبواب من فرط رعونتها، على الرغم من عمرها الذي لم يتجاوز ١٦ عاما وكانت لتوها مقبلة على دخول كلية الحقوق، لئن بشرتها الأبيض المتشرب حمرة بنت البنوت يحوي بداخله طاقة طاغية تحرك داخل أي إنسان مشاعر الحب والارتباط، عودها ملفوف مع انحناءات صدرية مثيرة ولا ننسى المقعدة التي أذابت عقول الزملاء والزميلات، عينيها واسعتين مكحلتين ذواتا نظرة مأكرة تجعل الرجال كالأنعام يساقون بمجرد نظرة منها، بل إنها يمكن أن تركب أعتاهم وتدلل ساقها المنفوفتين عند جروبي من فرط حلاوتهما دون أن يأخذ منها

حق أو باطل، شفتيها مكتنزتين مكتظتين بليونة طبيعية تضاهي  
نجمات السينما العالمية، تعرف عليها زوجها السابق كريم  
العدوي وتودد لها على الرغم من أنه يكبرها بأكثر من عشرون  
عاماً، عمره أكثر من ضعف عمرها، لكنه كان ثرياً يمتلك مصنعاً  
وعدة محلات للحلويات منتشرة في ربوع المنصورة ورثها عن  
أبيه، نرمين كانت فاقدة لحنان الأب، أبوها كان يعمل في الخليج  
فني كهرباء، ينزل إجازة شهر كل سنتين من أجل تأمين مستقبل  
أبنائه، لها ثلاثة أخوة ذكور جميعهم يعملون في الخليج مع  
أبيهم، أما نرمين فهي المدللة من أمها وأبيها يكذبها ويتعب  
من أجلها، أمها تتحمل غيبة الأب وتغلق بابها من أجل ابنتها،  
في هذا الجو كان ينتقص نرمين وجود الأب، تقدم كريم العدوي  
للزواج من نرمين ونزل أبوها هو وإخوتها من الخليج للتعرف  
على كريم والسؤال عنه وما هي إلا أيام معدودة حتى عادت  
العائلة إلى الخليج بعد عقد القران والزفاف، تم الارتباط في  
سرعة غريبة، كانت نرمين في الأيام الأولى تهيم حباً في  
زوجها، حتى فاجأها زوجها في الحرم الجامعي فعرفته على  
زملاء الجامعة من ذكور وأناث فما كان منه إلا أن جذبها من  
يدها وأركبها سيارته بطريقة مهينة أمام صديقاتها ومن هنا  
بدأت تدب الخلافات وظهرت غيرته الشديدة الغير مبررة ومنعها  
من دخول الامتحانات حتى رسبت ومنيت بحالة نفسية سيئة

ومنعها من زيارة أمها، وفي أثناء عتابها له على تركها بمفردها لأيام وليالي وأنها تريد أن تسافر معه بدأت الحدة وبدأ الشجار باللسان ثم امتدت إليها يده تضربها بعنف، وفي إحدى مرات الشجار أطفأ سيجاره في يدها ومازلت تترك أثرها إلى الآن، كما أنه ضربها خلال الأيام الأولى من حملها لتقع نرmin مغطية عليها وبها نزيف يظهر واضحا من بين أرجلها كأنهر الجارف، تركها وهرب ظنا منه أنها ماتت لكنه ترك باب الشقة مفتوحاً من هول المفاجأة فاستلقفتها جارتها أثناء صعودها إلى شقتها وأخذتها إلى المشفى فتبين أن نرmin حدث لها إجهاض، كانت نرmin في حالة نفسية سيئة أوصلتها أنها أصبحت هيكل عظميا (جلد على عظم) إلا أنها استعادت قواها في بيت أمها ورفضت العودة إلى بيت الزوجية على الرغم من كثرة اتصاله بأمها وأبيها ومحاولة زوجها التودد إليها لكنها لم تعود، فما كان من أبيها إلا أن هاتفها وطلبها بالعودة عن هذا الطريق، لكن جوابها كان الرفض، حلف أبوها على أمها بالطلاق إن لم تعيد ابنتها بنفسها إلى بيت الزوجية، مما اضطر الأم إلى إعادة ابنتها بالقوة إلى بيت زوجها، ليعيد الزوج الكرة لكن هذه المرة يكسر رجلها ضرباً بالعصا، هربت نرmin من منزل زوجها لاحقاً بعدما رآته بعينها يتعاطي الهروين، هربت إلى إحدى صديقاتها في القاهرة كانت زميلتها في كلية الحقوق وتعمل لدى

الأستاذ شحاته حسين شفيح المحامي الذي رفع لها قضية خلع بعدما حكّت له صديقتها ما ألم بنرمين من انتهاكات، عملت معها كسكرتيرة في بادئ الأمر ثم أكملت دراستها في الحقوق وأصبحت محامية، تتذكر نرمين عندما خرجت من بيت زوجها ولم تعد كانت لا تمتلك سوى ٥٠ جنيها، دفعت معظمهم في المواصلات العامة قبل أن تصل إلى صديقتها وتتلقها.

.....

في مكتب الأستاذ حسين المحامي يجلس الأستاذ مع مدام نرمين يحاول إقناعها بالزواج من سعفان وأن مأساتها لن تتكرر لأنها تملك مفاتيح سعفان كاملة ويمكن أن يعطيها الضمانات الكافية كما أنها ستحيا حياة كريمة كأنثى بعيدا عن الشغل والتعب والمجهود.

- أنا انجرت مرة مش عاوزه انجرح تاني... أنا عايشة على راحتي
- ومين قال إن فيه جرح تاني؟... دا حايبقى زي الخاتم في صباغك... خدي وقتك في الخطوبة وما تستعجلش... بس أهم حاجة اقنعيه دا حياخد في البيعه دي ١٠٠ مليون دولار

نرمين ترفع حاجبها

- بس... المفروض ياخذ أكثر من كده

المحامي مقاطعاً

- على فكرة أنا قربت افلس... خلاص كل اللي جمعته طول عمري قرب ينتهي... إحنا صرفنا مصاريف كتير أوي على عائلة سعفان... ما تنسيش إني عمال اصرف من جيبى دا غير زمايل سعفان المقاطيع اللي اخدوا فلوس... كل ده كوم ومصروف سعفان كوم تاني بدل سعفان وجرافتات سعفان وفيللا حلوان اللي مقعده فيها ومصروفه الشهري اللي بقي لا يطاق وعياله اللي دخلتهم مدارس انترناشيونال وبيت التجمع... أنا صرفت كتير... خدي بالك ده لو كان معاه المقاطيع والشيخ رمضان ما كنش حياخذ أكثر من ٤ مليون دولار... وبعدين دا حبيقي معاه ١٠٠ مليون دولار مبلغ ما حدش يحلم بيه... ولا في الأحلام.

نرمين

- إيه المطلوب مني؟

المحامي

- اقنعيه ... اقنعيه ... اقنعيه ... اقنعيه واقنعيه

نرمين

- وأنا حاستفيد إيه؟

المحامي

- حبيبي معاكي سعفان وال ١٠٠ مليون بتوعه

نرمين

- آخد ١٠ % مقدم يا كده يا بلاش

المحامي

- نعم يا اختي؟..... هما مليون دولار مافيش غيرهم

وتاخدوهم بشيك مسطر يتصرف بعد شهرين

نرمين

- ٢ ونص مليون ٢.٥ %يا كده يا بلاش ويتعملوا

٣ شيكات

المحامي

- تمام... بس افكريها... حتى سعفان الواطي ابن العبيطة  
مش راضي يعمل لي توكيل وبيقول لي رجلي على  
رجلك... علمناهم الشحاتة سبقونا على الأبواب.

نرمين

- تلميذتك يا متر

.....

سعفان يذهب لملاقة زوجته وأبنائه في فيلا في التجمع  
وسط تكتم شديد تستقبله زوجته بالترحاب وأبنائه، تغيرت  
أشكالهم وأصبحوا براقين من النظافة والاهتمام (بالبلدي  
نصفوا)، لكن هذا التغيير كان خارجيا فقط فما زالت الأخلاق كما  
هي غير موجوده في عائلة سعفان، أصبح أبناء سعفان يتعلمون  
في مدارس دولية وأصبحت زوجته قمر تتردد على بيوت  
الأزياء ومراكز التجميل الكبرى، ولكن هناك مشكلة أبناء سعفان  
لا يزالون يحملون اسم سعفان الزناتي ولم يحملوا اسم سعفان  
يلمظ.

.....

في إحدى الكافيات بمنطقة المعادي يجلس سغان الذي أصبح الوجيه سغان يلمظ يرتدي أفخم البدلات التي فصلت له خصيصاً على يد أشهر بيوت الأزياء العالمية ومعه مدام نرمين التي ترتدي كعابتها تنورة قصيرة وحذاء بكعب يرن وتدق معه القلوب ويلوزات مفتوحة تظهر مجري النهر العذب، جلسا سوياً يتبادلان الحديث ونظرات العشق الملتهب من جانب واحد.

سغان

- أنا باخبط على الباب وما بنطش من الشباك وطالب إيد القمر

نرمين في دلال ملحوظ

- يا سلام... قمر دي مراتك

سغان

- حاخليكي ملكة متوجة على ملكة قلبي

نرمين

- قلبك فيه ملكة تانية اسمها قمر مراتك أم عيالك

سغان

- شوفي انتي قولتي إيه؟ أم عيالك... يعني أنا مخليها  
على ذمتي عشان أم عيالي وبس... إنما انتي اللي  
حاتبقي الحب كله.

نرمين

- أنا كنت متجوزة قبل كده واتطلقت بسبب...

سعفان

- أنا مش عاوز اعرف... الماضي ده بتاعك يخصك  
لوحدك... إنما المستقبل ده يخصني أنا وانتي.

نرمين

- كلامك ريحني... بس برضه أنا زي الفريك ما احبش  
شريك.

سعفان

- ما أنا لو طلقت أم العيال حتروح تتجوز وترمي العيال  
والعيال تتشرد وأنا عملت كل ده ومشيت في الحرام  
عشان عيالي ما يشفوش اللي أنا شفته.

نرمين نسان حالها يقول في قرارة نفسها

- إيه الغباء ده عاوز يتعذب عشان عياله يعيشوا كويس  
وإيه اللي يضمن له!؟

نرمين تنظر إلى عيني سعفان

- إيه يا سعفو خيالك الواسع ده؟

سعفان

- قوليتها تاني طالعة من بوقك زي العسل

نرمين

- بص يا سعفو انت ترمي يمين الطلاق عليها قدامي  
وتحلف ليا على المصحف إنك مش حتلمسها.

سعفان

- دا الكلام

نرمين تقاطعه

- بس على شرط تصرف على عيالك كويس وما  
تحرهمش من حاجة.

سعفان وقد بدى عليه السرور

- أصيلة وبنت أصول

.....

يبدأ شحاته حسين شفيح المحامي التفاوض مع الشركة الأجنبية يحضر ممثل الشركة للتفاوض على بنود العقد المكتوب في مائة وتسعون ورقة.

المحامي يفر في العقد

- إيه ده كله؟ دا عقد ولا كتاب في القانون؟

ممثل الشركة الأجنبية بمصر

- دي العقود الاحترافية لازم كل شيء يتكتب

المحامي

- مافيش مشكلة حادرسه أنا وموكلي صاحب الأرض وأرد

عليكم...

ممثل الشركة الأجنبية

- حترد إمتي؟

المحامي يضع نظارة القراءة على عينيه

- في خلال أسبوع حاكون عملت تعديلاتي على العقد...  
وبعدين تشوفوها وتردوا علينا... إذا وقفنوا على  
التعديلات يبقى تمام أما إذا ما وافقتوش... اشوف شركة  
تانية تشيل... إحنا متقدم لينا عروض من شركات كتير  
وانت عارف إن المنطقة دي منطقة سياحية... بس لو  
سمحت وريني البند بتاع الفلوس.

ممثل الشركة الأجنبية يدير الورق ويشير إلى المحامي

- اهوه

يقرأ المحامي بتمعن البند ثم ينظر إلى ممثل الشركة الأجنبية  
بغضب ملحوظ.

- ده مش كلام يعني إيه تسددوا تمن الأرض على أربع  
سنين وتدفعوا ٢٥% وتستلموا الأرض والباقي بشيكات  
مؤجلة... دا مش كلام أبداً؟

ممثل الشركة الأجنبية بكل هدوء

- انت عارف يا سيدي الفاضل إن مافيش شركة حتدفع  
٢١٠ مليون دولار حزمة واحدة إحنا حاندفع الربع  
كمقدم والباقي ٧٥% حيثقسما على ٣ سنين.

المحامي مقاطعاً

- حاشوف موكلي وأرد عليكم

يخرج ممثل الشركة الأجنبية بعد تبادل التحيات، ثم يدخل سعفان إلى حجرة مكتب المحامي.

سعفان

- إيه مال وشك محمر ليه يا باشا... هو الواد اللي نسه ماشي ده عصبك... قول لي وأنا...

يقاطعه المحامي

- خير يا سعفان

سعفان مبتسماً

- كنت عاوز مليون جنيه عشان اشترى الشبكة لنرمين

المحامي

- مليون عفريت يركبوها

سعفان وقد تغير لون وجهه

- لأ يا باشا دي حاتبقى مراتي... أنا ما اسمحكش...

فلوسك حتاخذها على الجزمة أول ما ابيع الأرض.

المحامي وضع نظارة القراءة على المنضده ونظر إلى سعفان  
شذراً.

- تبيع إيه جتك وكسه توكسك

سعفان بدأ القلق يتسرب إلى وجدانه

- في إيه يا أستاذنا؟

المحامي

- عاوزين يدفعوا الفلوس على أربع سنين... كل سنة ٢٥ %

سعفان عادت إبتسامته

- هو ده اللي مضايقتك... أنا قولت إن الشركة هرشت

الموضوع... أو حد نخور ورائنا... مافيش مشكلة أنا

موافق

المحامي

- بس أنا مش موافق... افرض الموضوع اتهرش... لو

الشركة دفعت الفلوس كلها... نسجل الأرض باسم

الشركة في الشهر العقاري وساعتها حاتبقى مشكلتها  
مع الحكومة مش معانا... إنما نظام التقسيط ده ممكن  
يحطنا في مشاكل إحنا في غنى عنها خاصة لو حد نخور  
ورانا حنروح كلنا ورا الشمس.

سغان

- إذا عندك زبون تاني هاته

المحامي

- للأسف مافيش

سغان

- بيع وخلينا نخلص وهات المليون جنيهه عشان انزل  
اجيب الشبكة... وعارف اللي حاتقوله هات الوصل  
عشان امضي.

## يا دبلة الخطوبة

أسرع سعفان بصحبة مدام نرمين في السيارة المرسيديس التي خصصت لسعفان من قبل المحامي إلى الكوربة بمصر الجديدة لشراء شبكة العروس الألباظ ثم توجه العروسان للاحتفال بالخطوبة في مركب عائم على النيل بالزمالك، كان من المدعويين جميع طاقم المكتب وحسين شفيح، أثناء الاحتفال اغشى على الأستاذ حسين شفيح لينقلوه بسيارة الإسعاف إلى المستشفى.

سعفان موجهها كلامه لنرمين

- عكنن علينا ابن الـ... دا وقته؟... لو كان تعبان ما كنش  
جه... ضرب الليلة.

خرج الطبيب فوقفت أمامه مدام نرمين

- خير يا دكتور؟

## الطبيب

- بيرجع دم واضح إن عنده مشكلة في الكبد... فيه تحاليل لازم يعملها عشان نشوف إيه اللي لازم يتعمل... في المستشفى تحت الملاحظة ٢٤ ساعة.

نرمين يظهر عليها الحزن فيخاطبها سعفان

- إيه اللي مزعلك عليه؟ دا أنا اللي لازم ازعل إنه ضرب اليوم

نرمين وهي متأثرة

- العشرة ما تهونش إلا على ولاد الحرام

.....

تذهب نرمين إلى المستشفى بصحبة سعفان وهي تحمل بوكيه ورد.

سعفان

- ما كنش ليه لازمة الورد كنتي هاتي أي حاجة تتاكل

نرمين لم تلتفت إلى كلام سعفان وتوجهت بخطوات سريعة إلى الغرفة التي يرقد بها المحامي وورائها سعفان.

- عاوزينك ترجع تنور مكتبك يا أستاذ

المحامي

- أنا مش قادر أقف على حيلي.... يظهر اللي أنا عملته  
في الناس حايطلع عليا دلوقتي.

نرمين تربت على المحامي

سغان وهو بيتسم

- كنه تخفيف ذنوب يا أستاذ

ترمقه نرمين بنظرة مغزاها

- حد يقول كده؟ دا انت جئنف

يدخل الطبيب وقد بدا عليه الانزعاج موجهها كلامه للمحامي:

- صباح الخير... مين يقرب لحضرتك البيه ولا المدام؟

المحامي وقد بدا عليه الاعياء

- أنا ادبتهم الكريدت كارد بتاعي ودفعت مصاريف

المستشفى

الطبيب

- أنا ما بتكلمش في الفلوس... دي آخر حاجة نفكر  
فيها..... أهم شيء إنك تقوم بالسلامة

تبادر نرمين وتقاطع الطبيب

- أنا أخته يا دكتور

الطبيب مستأذناً

- طيب عاوز حضرتك بره دقيقة

ثم يوجه الطبيب نظره لسعفان

- بعد إذن حضرتك... خلي المريض يرتاح

سعفان مستغرباً

- أنا جاي معاكم

ينفرد الطبيب بمدام نرمين ويقف في وسطهم سعفان كحشو  
الساندويتش.

الطبيب موجهها كلامه لنرمين بحدة

- للأسف عنده سرطان في الكبد وحالته متأخرة قوي...  
واللي جاله ده غيبوبة كبدية...

تبكي مدام نرمين وتنزل دموعها

- تنصح بياه يا دكتور؟

الطبيب

- ما فيش حاجة تتعمل ولو سمحت ما ترجعوش الأوضة  
عشان يرتاح.

ينصرف الطبيب ويجذب سغان نرمين من يدها

- حنعمل إيه يا نرمين؟ لازم نمضي العقد قبل ما الأستاذ  
يفيص

نرمين وهي تمسح دموعها

- هو ده اللي همك ومش همك حياة البني آدم؟

سغان بحدة

- انت بتعيطي عليه ليه هو كان من بقية أهلك؟... خليه  
يتصل ببتوع الشركة اللي حاتشترى الأرض عشان  
نمضي العقد.

تتركه نرمين وتتوجه إلى الاستقبال لتطلب تاكسي وتنصرف  
من المستشفى.

سعفان يقف في حيرة ولسان حاله يقول

- أنا عملت كل ده عشان ولادي ... وولادي وبس ومش  
حاسم لأبي حد إنه يبوظ الترتيب.

يتوجه سعفان إلى الغرفة ويفتح الباب لتنهزه الممرضة  
وتطلب منه الانصراف لكنه لا يستجيب.

- يا باشا كلم الشركة الأجنبية عشان نمضي العقد النهاردة  
قبل بكرة.

المحامي في استسلام

- حاضر

يحضر أمن المستشفى ومعهم الطبيب المعالج لإخراج سعفان  
لكن المحامي يطلب منهم أن يبقى معه وسط دهشة الطبيب.

- ما ينفعش كده الزيارة ممنوعة

المحامي

- معلش يا دكتور إدينا خمس دقائق بس لوحدنا وهو مش  
حايجي تاني أو عدك بكده.

سعفان يغلق الباب

- كتم مسنول الشركة وخليه يمضي العقد النهاردة

المحامي وهو في قمة الإعياء

- أنا حاخلي نرمين تظبطلك كل حاجة بس لازم تدرسه  
الأول

سعفان

- واضح إن مافيش وقت لايمني على الفلوس

المحامي

- مستعجل على إيه كله فاني وزائل

يتصل سعفان بنرمين ويعطيها المحامي لكي يوجهها  
بالتنسيق مع الشركة التي ستشتري الأرض ويعطيها رقم ممثل  
الشركة ويقول لها المحامي بالحرف.

- بالنسبة للعمولة أنا مش عايز حاجة أعطي الفلوس كلها  
لسعفان

نرمين

- ولا حتى عمولة المكتب

المحامي

- أنا مش عايز حاجة خالص

مدام نرمين تنسق مع ممثل الشركة الذي يحضر إلى مكتب  
المحامي لتوقيع العقد مع سغان مع إعطائه أربع شيكات بنكية  
الشيك الأول يستحق الدفع بعد يومان أما بقية الشيكات فهي  
سنوية، اسم المستفيد سغان يلمظ.

سغان

- مبروك علينا أنا واتي يا نرمين

نرمين بدلال

- انت مالکش أمان حادیک شبکتک ونفضها سيرة

سغان مبتسماً

- دا كلام دا؟ أنا عاوز اكتب الكتاب النهاردة... بس أنا  
اللي زعلني انك كنتي بتعطي بحرقه على الأستاذ حسين  
وأنا راجل وبغير على أهل بيتي.

نرمين مقاطعة

- العشرة ما تهونش إلا على ولاد الحرام... ولو من اولها  
حتبقي غيرة على الفاضية والمليانة... إحنا نفضها  
سيرة أحسن... أنا أخلاقي زي الجنيه الذهب.

سغان يقاطعها ويقبل يدها

- عارف يا حبي

نرمين

- عندي شرط... عاوزة الأستاذ حسين يكون وكيل في  
الجواز

سغان

- وأنا موافق وحجيب له المأذون في المستشفى كمان يا  
جميل ودلوقتني خلىنا نفرح.

يمسك سغان يد نرمين ويجري في اتجاه الباب وينطلق إلى  
المستشفى.

.....

كرم التربى وهو يجلس مع الترابية بأحدي المقاهي بالزاوية  
الحمراء.

- وبعدين يا رجالة بيع الأرض لا حس ولا خبر إحنا  
فأسنا

أحد الترابية

- كان بيخش لينا إيراد ثابت... إحنا اللي طمعنا وأخدنا  
حق مش حقنا... وأدي النتيجة.

كرم

- حناخد حقنا تالت وملتت... دا إحنا نفضح سعفان...  
تاريخه عندنا... أنا حاروح الفيلا اللي قاعد فيها في  
حلوان.

أحد الترابية

- طول عمرك بتعتبر سعفان ند ليك وعاوز توقعنا معاه

كرم

- أو مال تفسروا بياه اللي بيحصل؟

أحد الترابية

- إحنا نروح ونعرف راسنا من رجلينا

الترابية في نفس واحد

- إحنا كلنا حانيجي معاك

## حاتجوز

سعفان في المستشفى ومعه نرمن يطلب من الطبيب إحضار  
مأذون، يستغرب الطبيب من الطلب الغريب.

- أنت في مستشفى مش عند خاطبة يا أستاذ

سعفان

- إحنا عاوزين نفرح الأستاذ حسين... أنا حاتجوز أخته  
وهو وكيلها وعاوزين اتنين شهود.

الطبيب مستغرباً

- أمرك غريب جداً... استنى لما نشوف المريض الأول

يدخل الطبيب على المريض وخلفه سعفان

- أنا مش عارف أقول إيه؟... الأستاذ عاوز يتجوز  
وبيقول ده حيفرحك.

يبتسم المحامي ويحرك رأسه بالقبول

سغان

- بس إحنا عاوزين مأذون وشهود

يجيب المحامي بصوت خافت

- خلي نرمين تكلم حد من المحامين اللي معانا يجيب

مأذون ويجي يشهد هو وحد من زميله.

قبل أن يكمل كلمته كانت نرمين تهاتف خالد المحامي وما هي إلا نصف ساعة حضر الأستاذ خالد ومعه مأذون وزميل آخر من المكتب.

المأذون

- ما تفلقوش وثائق الزواج بقت بتطلع في نفس اللحظة لأنني باسجل بياناتكم على النت وعن طريق التابلت ده باطبع الوثيقة في ثانية... مش شغل زمان المتعب تيجوا قبلها والوثيقة تطلع بعد أسبوع... دلوقتي كله ممكن... حتى صوركم بأخدها بالتابلت... لا ينقصكم إلا الشهادات الطبية.

نرمين

- بسيطة يا شيخ إحنا في مستشفى نعملها دلوقتي

في أثناء قيام سعفان ونرمين بعمل الكشف الطبي يهمس  
الأستاذ حسين المحامي لخالد الذي يعمل لديه.

- خالد ما تقبلش قضايا في المكتب مهما كانت... أنا  
حاسس إني قريب

خالد مقاطعاً

- ما تقولش كده يا سيادة المستشار...

يقاطعه الأستاذ حسين

- لما اللي زي يقولك قربت يبقى قربت... أنا أكثر واحد  
متمسك بالدنيا لأن اللي جاي مافيش فيه ولا رشاوي ولا  
عمولات ولا مجاملات ولا استئناف ولا مط و لظ... اللي  
جاي حتاخذ حقك بالميزان اللي جاي صعب وفيه حساب  
وكله حايتحاسب على اللي عمله... نصيحتي ليك وانت  
في بداية الطريق اوعى تعمل زيي أو تأخذني مثل أعلى  
ليك.... أنا لو رجع بيا الزمن لورا مش حابقى بالسواخة  
دي ولا حاعمل كده.

خالد

- يا سيادة المستشار الكل بيشهد ليك بالنزاهة

بيتسم الأستاذ حسين

- انت بتضحك عليا ولا على نفسك?... اعمل الصح ولو  
على رقبتك عشان لما تيجي نهايتك ما تندمش... خلي  
سعفان يفرح بالفلوس... حايفرح شوية... حايفرح  
شويتين وبعدين يعرف الحقيقة... اقلل المكتب بالضبة  
والمفتاح... أما بالنسبة ليك انت وزمايلك فأنا حادي لكل  
واحد فيكم مكافأة بس ابتدوا على نظافة وابقوا اترحموا  
عليا.

خالد

- بعد الشر عليك يا سيادة المستشار

بيتسم الأستاذ حسين وبعينه الذابلتين ويهز رأسه لخالد  
بالسكوت.

.....

يقف كرم التربى وسط زملاء مهنته أمام الفيلا التي يقطن  
بها سعفان بخلوان، وسط التأمل والذهول الذي سطر أحرفه

على وجوههم فاجأهم صوت جهوري كطلقة مدفع على حين  
غرة.

- أمروا

التفتوا جميعا إليه ثم رد كرم

- عاوزين الشيخ سعفان

استغرب الحارس ونظر إليهم شذراً

- قصد حضرتك سعفان بيه

كرم متجهماً

- بيه أو باشا مش مشكلة المهم اننا عاوزينه

- سعفان بيه مش موجود

- طيب حيكون موجود إمتى؟

- مالهوش مواعيد ممكن يجي دلوقتى ممكن يجي بعد

نص الليل

كرم وقد اصيب وجهه بحمرة من الغيظ

- إحنا حنستناه في الشارع لحد ما يبجي

.....

عقد قران سعغان على نرمين في المستشفى وسط الأطباء  
وفريق التمريض وكانت الفرحة زاخرة في المستشفى، ثم  
توجهوا سوياً إلى السيارة بعد تهنئة الحاضرين.

سعغان

- مبروك يا أحلى عروسة في الدنيا

نرمين وهي في أوج سعادتها

- مبروك يا حبيبي

سعغان يرقص قلبه فرحاً

- تحبي نسهر في مكان ولا نروح على البيت؟

نرمين وقد احمرت خدودها من الخجل

- اللي تشوفه

سعغان والابتسامة تفيض من وجهه

- نروح على البيت وبعدين حانحضر شهر غسل يجنن

حلقك العالم

نرمين

- خلىنا نلف العالم لما الصيف ييجى... إنما دلوقتى الدنيا  
برد خلىنا نروح مشتى

سعفان فى عصبية مصطنعة تتبعها ابتسامه

- أو مال أنا باعمل إيه؟... ما تقلقىش من البرد أنا  
حادفيكى يا روح قلبى... نروح البيت والمكان اللي انتى  
عاوزاه حانروحه.

يوجه سعفان السائق للاتجاه إلى المنزل بخلوان

.....

وصل سعفان إلى منزله ليجد كرم والزملاء القدامى جالسين  
أمام رصيف المنزل.

سعفان ينزل من السيارة فيتجه زملائه القدامى إليه  
بالترحاب، لكن سعفان يظهر غضبه ويعقد حاجبيه ويتلون  
وجهه يتملكه الغيظ، يوجه كلامه إلى نرمين.

- اسبقينى انتى

نرمين بدلع

- ما تتأخرش

ثم يتحرك ويدير وجهه ناحية زملائه القدامى

- خير عاوزين إيه؟

يتدخل أحد الترابية بابتسامه

- مافيش ازيكم أو اتفضلوا؟ دا إحنا اخوات وواكلين  
عيش...

يقاطعه سعفان

- أنا ما عنديش وقت للكلام ده... أمروا

كرم وقد اشتد غضبه

- عاوزين حقنا يا سعفان.... إحنا عرفنا إنك بيعت الأرض  
فين حقنا؟

سعفان

- كسر حقك منك له.... انتوا مالكمش عندي حاجة وأعلى  
ما في خيلكم اركبوه.... أنا معايا وصولات أمانة انتوا  
كتبتموها على نفسكم تخليكم تدخلوا السجن وما تشفوش  
الأسفلت طول حياتكم.

كرم بصوت عالي يكاد يوقظ الحي بأكمله

- يا ابن الحرام... عاوز تنصب علينا دا أنا ادفنك في مكانك

لم يكاد كرم يمسك سعفان من بذلته حتي خرج اثنان من الحراس يهرولون فانفض الترابية من حولهما، فما كان من الحراس إلا أن اخرجوا السلاح واطلقوا طلقتان في الهواء جرى على إثرها الترابية، لكن كرم ينظر خلفه وهو يجري ويتوعد سعفان.

- حايتم عيالك يا سعفان... مش حاخليك تتهنى بالفلوس ولا ثانية واحدة

.....

صعد سعفان إلى المنزل وقد اشتد غضبه مما حدث محدثاً نفسه:

- ولاد الكلاب... دا وقت يحضروا فيه.... الخوف لأحسن يجيبوا ناس ويعملوا معايا الجلاشة.

صعد سعفان إلى الدور الثاني من القصر وفتح غرفة النوم ليجد عروسته الفاتنة في انتظاره مستلقية على السرير بقميص نوم أبيض قصير يشعل الشهوات ويحيي الغرائز المكبوتة، الغرفة مضاعة بضوء الشموع الخافت الذي يشع منه رحيق الرغبة، تشير له نرمين بحركة استعراضية لاشعال حواس

سعفان، لكن مع الأسف سعفان بعد كل هذه العصبية والتفكير الذي راوده والخوف الذي أصابه لم يعد يقدر على رفع ورقة من على الأرض بالرغم من حماسة الموقف.

نرمين تخلع جاكيت البدلة من سعفان وتتحدث في إثارة

- مالك يا سعفو؟... تحب اعملك مساج بالزيت

سعفان يتحدث ببرود مغلف بخوف

- قومي البسي هدمك حانروح شرم الشيخ

نرمين ومازالت في أوج اشتعالها

- نقضي الليلة هنا وبكرة نحجز ونروح شرم

سعفان غاضباً

- أنا قولت نروح شرم الشيخ دلوقتي يعني دلوقتي

أفاقت نرمين مما هي فيه محدثة نفسها

- يا فرحة ما تمت دا باين عليه راجل على الورق بس...

حامل إيه... باطلع من نقرة الأقي نفسي في ضحديرة.

ثم قامت نرمين لكي ترتدي ملابسها وبدأت في تحضير

أغراض السفر.

سغان

- مش حناخد شنط حانجيب كل حاجة من هناك

نرمين

- آخذ الحاجات الأساسية بس

## بداية النهاية

يقود سعفان السيارة وبجانبه نرمين في طريقهما إلى شرم الشيخ أما السائق فقد تركوه لحراسة القصر مع أقرانه.

فجأة ظهرت سيارة نقل محملة بحديد تسليح قد انفجر إطارها الأمامي للتو، سعفان الذي لا يجيد القيادة باحترافية لم يترك مسافة كافية بينه وبين السيارة النقل، لم يتمالك نفسه ولم يجيد التصرف السليم، صرخت نرمين وكانت الصرخة الأخيرة.

.....

في غرفة المستشفى الأستاذ حسين المحامي مستلقي على السرير في يده المحاليل يتابع الأخبار في التلفاز، ظهرت المذيعة المتأنقة وهي تروي الخبر التالي:

- تعرض السيد سعفان يلمظ سليل عائلة يلمظ لحادث اليم.....حادث تصادم علي طريق شرم الشيخ...أسفر عن وفاة السيدة نرمن أمين الزوجة الوحيدة وسليانة عائلة يلمظ ....أما السيد سعفان يرقد في العناية المركزة في حالة خطرة.... وصرح مصدر مسؤول أن فرص نجاة سعفان يلمظ تكاد تكون منعدمة ... يذكر أن سعفان يلمظ شغل الرأي العام في الفترة الماضية لمطالبته بحق جدته التي كانت إحدى خليات الخديوي... سعفان يلمظ لم يتزوج سوي من السيدة نرمن أمين وليس له أبناء... يا ترى ما هو مصير الأرض?... هل ستستعيد الحكومة ما أخذه سعفان؟ وهل سيثير لغطاً وهو على فراش الموت كما أثار لغطاً وهو حي?... هل الحادثة بفعل فاعل?... من الجاني؟

المحامي يغلق التلفاز ويحدث نفسه

- ما أخذش حاجة معاه... ولا حتي عياله حياخدوا حاجة... اسم أبوهم سعفان الزناتي واسمه سعفان يلمظ... بلد ورق ومكاتب... بعث نفسك يا سعفان ببلاش... حتي اللي بعث نفسك عشانهم حيدعوا

عليك... أما نرمين فاترحمت من اللي هيا فيه... كله  
سراب في سراب في سراب.

الطبيب يفاجئ المحامي

- يا سيادة المستشار... حضرتك لازم تفضل منورنا في  
المستشفى لحد لما يتحدد معاد سفرك من الفريق  
المعالج ليك... يا حسين بيه؟

يضحك المحامي

- أنا اسمي شحاته يا دكتور.

تمت